

軍政
財政

軍 政 政 政
財 政 政 政
法 政 政 政
外 交 交 交

論
說

下

癸
卯
年

論外交之進化

外交者。國與國之交也。國者。人類之羣之進化者也。而人者。又物質之羣之進化。凡羣之進化恆與其所。以為羣者相比。例大要其質由無機而進於有機。其力由無意識而進於有意識。吾今請先即物質之羣。略述其進化之歷史。以為例。

北洋官報

二

第一百四十四冊

傳染之事。無痛癢之關。其對於外界也。常立於受動之地位。搏擊之斧鑿之消化之一惟。外。力之所為。不必無抵抗力也。要不過體積中天然之攝力。體積以外。別有一種之阻力。與其所加之外力相消。及其外力驟增而勝之。漸變而避之。則抵抗力全滅矣。此以無機體而涵無意識之力者也。及其進化而為有機也。其始為植物。始有生。長之狀。而所羣質點互相倚賴。又且有呼吸。運化。搭柱之分。職。其對於外界也。有吸收。有佔領。浸乎現主動之端矣。而所謂主動者。亦被驅於天然生長之力。而不覺。故其吸收。佔領之為亦動。為外界之所阻遏。而不能有以抵抗之。此以有機體而涵無意識之力者也。及其為動物。為初民。則其筋脈之交通。日以利而官骸之分。職。日以周。常立於主動之地位。而擇取外界之宜於其體者。以自養。其受外力之侵襲也。擊首則尾應。支左而右。詘竭全體之力。以與之抵抗。蓋意識之作。用。幾於是。畢。呈矣。然其所謂主動者。尚不過被驅於一部之體。慾而所以應付外界者。亦僅以目前自營之目的。為界。是不過意識之一小分。而未充其量者也。及其又進化而為文明之民。則意識之力。大彰。始有見於遠大之希望。而不局促於目前。且知萬物並育。不必相害。詐愚劫弱之風。漸衰。而聲應氣求。純以親和之力。適用於對。外。即偶有強權武斷之為。亦

Mf
C67
8



3 1795 8397 0

僅於不得已之時藉以曲達其目的而決非常例其進化之極至於人閒彼此之交涉復歸於無意識如物體中之質點然而一切以其羣之意識爲意識則倫理之極軌斯文明之羣之所由立也。

(未完)

論外交之進化續一百四十册

雖然文明之羣非一蹴而文明也其進化之歷史與物體同國者羣而有文明之形式者也然其實際固有類於初級之物體者其人之關係官職之分治非本於天然卽由乎習慣其中質點各自爲體而對於同國中無量數之質點日演其外交之術而不違又安有動力以及於國外乎然而其形式既國矣其他之國不能不以動力及之而受動之國之質點爲動力所及者若土之在型若金之在冶無索而不可若毫無分別利害之見存其動力之所不及則盱眙睢睢不知有此事此豈非無機體之象而一切皆無意識之運動乎其所以地不盡割人不盡奴者外力之未足而又各國互相牽制以消之如開鑛然機械未具而又有互爭利權之訟案是以延期非其鑛質之抵抗力使然也由是而進則爲專制之國其一部分之質點獨行其意識而挾其他之質點以爲器械若動物初民之驅於體慾然其對外界也惟吞噬之務其貪如狼其詐如狐絕無可以比例於人閒之道義者然而其意識既現於一部分之質點則其他之質點亦不能強閉其意識而不發遂時與之衝突不底於平等不止而外交界亦時爲其所掣肘是其國體尙在有機無機之間而其全部之意識則有或隱或見之別又由是而進則純乎爲有機體之國而其動力無不本於其全部之意識其意識

或有異。同則亦循優劣。敗之例而決之於其大多數。及其既決。則盡全體之力以赴之。而不復有所差池。是其羣之意識。一以其質點之意識為基礎。使其質點既達於文明之高度。而外界諸羣均與其羣在同等之地位。則侵略賂虞詐之風。可以漸絕。而國際道德之學。將與人閒之倫理學齊其程度矣。

論外交之進化 第一百四十一册

(未完)

然而體積愈大。則其例愈以複雜。求之事實。則西歐諸國。尚在二三之間。其內部貧富二級之爭。足以見其意識之不粹。在外交界。若郵政。版權。同盟。若黑奴之禁。若紅十字會之設。雖稍見道德之端倪。而其他之不合於道德者。尚熾然。其不絕如英因壓制南非而愛爾蘭人反對之。其尤著者也。俄國則合乎二級。然已有進步之機。民黨之巨子。以俄農忘其枵腹而喜。俄軍之勝於遠東。為大愚。其貴族新聞。亦有持偏重變法。無狃外交之說者。是亦知近政之未能久持矣。若夫純乎初級之國。自通商傳教。以至租地。結約。派公使。駐領事之類。莫不在受動之地位。且無一能為有意識之抵抗者。馴至割其地。殘其人。其號為同國之民者。怡然不之感焉。至於主義雜出。方術矛盾。甲則保教。乙又仇教。丙既排外。丁又媚外。一國之中。若有無量數國。然以此而與列強交涉。猶以土偶對猛獸。何恃而不為之蹂躪乎。

北洋官報

二

第一百四十五册

雖然。人羣進化。其不必與物質之羣銖較。而寸量者。有二例焉。物質之存恃天然力。天然力者。振古如斯者也。或宜於動植物。而不宜於人類。或宜於無機物。而不宜於有機物。故可以各適其宜焉。且物質者。以循環為公例。無機物變化而為有機物。破壞而又返於無機。

物質不滅。豈能相避。遂變。然並列於世界。人羣。則不然。其消長。生滅。皆人爲之迹。而其公例。又有進步。而無循環。有變動。而無停滯。是以其所爲。苟不與外力相應。則其形式。必不能永存。而不滅。要以數之多寡。勢之強弱。決之。是故交通之國。皆在第二級者。間有初級之國。不進。必亡。今者世界各國。皆已由二級而進。則初級之國。不能與之並存。儼然明也。其二物質之進化。既受制於天然力。不能不循一定之程度。而人羣。則運動於無形之中。其質點。既異於初民之時。而其形式。亦早脫無機之界。則躡級而躡。亦非妄想。苟其教育。普及文化。大行。雖由初級而躍於三級之地位。以執其牛耳。庸不可乎。

夫由前之說。吾中國可以懼。由後之說。吾中國可以奮。能懼而奮。庶有豸乎。

亦有中國貨既不佳。價又較高。商人錙銖必較。無不改向別國以購之。是以留心貨色。實當今華商至要之事。國家稅釐既重。則貨物成本亦重。如華商土貨。出口能多。自能有錢。以易洋貨。是土貨暢銷。不但出口稅釐。可以多收。即進口稅釐。亦相因而致。土貨如不暢銷。華商焉有款項。購辦進口洋貨。是不但減收出口稅釐。即進口稅釐。亦必較減。所以各國考察情形。若欲振興商務。惟有免征出口稅項。英美等國。均免此稅。近年日本已明此理。現亦停征出口稅項。可見免收出口稅。實補助土貨之要政也。國家抽釐。原爲助餉。現在餉需不足。自然照抽。固不得已之事。但所抽太重。是阻出口生意。貪得反失。又何取也。譬如泰西諺云。一家豢養一鵝。見其一日忽生金卵。其人喜出望外。明日又生。則以爲此鵝腹內不知金卵若干。突起貪心。莫如殺之。所得更多。迨至破腹一視。別無所有。後悔何追。現稅釐之重。亦係僅顧目前。爲羅雀掘鼠之計。徒然損下。而並不益上。何如網開三面。不漏吞舟。將見來日之生。生不已。利更倍焉。釐損積弊甚多。查驗既不按照初訂章程。征收又不按照一定則例。聽憑員役剝削刁難。使商人不能預計。釐金究須若干。運抵究須幾日。如此不便。即有新出貨物。誰肯試辦。儻所抽稅釐。涓滴歸公。縱或過重。商人亦能仰體上意。退無後言。惟聞人言公家僅得其二。經手司員。已得其七。國家原不得已。始設釐金。以求助餉。豈爲飽其私囊。爲生活許多無業之游民。而撓許多有益之生意。是不獨與餉源無濟。且與民生有礙。極當設法整頓。不得稍緩須臾。中國地大物博。內地出產花色極多。頗有許多貨物。洋商每欲采辦出口。苦於路途艱險。水脚浩繁。運至海口。甚不合算。以至中止。此真如因噎廢食。殊爲可惜。現在洋商所辦。出口土貨。均係附近通商口岸所產之物。內地所產之物。亦僅售於內地鄰近之處。銷路不大。內地百姓。何必耕作。聽其朽爛。反虧其本。並有人云。某洋商偶得內地一物。寄

至外國頗合銷路。來信再照樣購買。竟至不能多得。最好由洋商隨便派洋夥徑行入內地購買。與內地百姓當面交易。所給價值。百姓有一得一。況洋夥入內。雖辦此貨。如見彼貨合宜。亦可再購。若由買辦經手。不顧生意之大局。先求己有所得。壟斷把持。無所不至。以致洋商慮購貴物。華民苦無善價。是洋商無利可圖。而華民反虧其本。此皆買辦居閒。不使洋商與華民對面買賣之大害也。細按貿易之在國家。猶如人身之血脈。血脈流行。人自舒適。血脈滯滯。人必違和。貿易既壞。國亦不安。此理之顯而易見者。儻能商務振興。民間謀利之不暇。誰肯生事。民如怠惰。不耕不織。自失其業。貧窮生盜心。有必然者。所以執國政者。無不願推廣懋遷。共享太平。殆因商民富裕。慄慄畏懼。惟恐天下多事。失其所積累也。現在中國商

北洋官報

戴樂爾理財節略摘要

五

第一百七十一册

務疲憊已極。國庫既空。民財又竭。但恐入少出多。君民交困。事至今日。惟有不貪小利而圖遠謀。減稅釐以輕成本。修道路以利通行。鑄小洋以輔制錢。再將出口貨色。一律稽查。不准作偽。務使精益求精。銷場日廣。儻被查出。辦以應得之罪。如此設法整頓。似與國計民生。兩有裨益。以上所論。非故作驚人筆。實爲當務之急。不能不辦。若再因循。出項甚多。無以抵制。稅務司以泰西下士。供職中華。踐土食毛。愧無建樹。案牘之餘。綜觀時世。稍有所知。自當竭誠以助。茲將土產之大宗。細詢商人。如何情形。分類開列於後。一絲。本係中國土產之最大生意。從前洋商爭購之不遑。嗣因絲不勻潔。折耗甚大。故轉買他國之絲。是以我本有之利。被人侵奪。如再因循。更有不堪設想者。現在誠能急加整頓。出絲若干。洋商仍購若干。此項生意。極易振興。蠶之有病。人人皆知。近來蠶病日深。轉相傳染。年重一年。聞從前所養

之蠶。每百分中。結繭者尙有七十。病死而不能結繭者。不過三十。現在能結繭者僅有二十。病死而不能結繭者。已有八十。從前養蠶子一兩。可以得絲五十觔。現在僅得二十觔上下。從前繭有四擔半。可以繅絲一擔。現在須繭六擔有奇。始能繅絲一擔。若以養蠶之桑葉而論。現在所用之葉。足以養無病之蠶雙倍。如蠶俱無病。葉不虛糜。將來所出之絲。必更勝於往年。天下事有利當興。而弊當革。蠶之有病。并非難治。考法國初養蠶時。亦常有病。一旦種類幾絕。措手無從。後有精於格致之學。名巴斯得者。講求生物之理。知蠶病起於小蟲。創行製子之法。法國蠶業得以復興。意國日本。從而效之。亦收其利。查十年前。浙海關康稅務司曾將江浙所收蠶子。寄至歐洲養蠶院考驗。據云。其中患病無多。百分僅有其三。迨去年又有人寄子考驗。則云無病者百分僅得其十。有病而輕者。百分中二十六。有病而重者。百分中六十四。先後十年。相懸若此。所以揀子之法。不能再緩。其法爲何。卽係蠶蛾下子之後。用顯微鏡細看其血。是否有病。如有。卽棄其子。年年如是。將見蠶病年減一年。日久自無。蠶既無病。得絲自多。且所出之絲。自能潔淨肥勻。合於組織。故江海關雷稅司曾經申請南洋大臣。就江浙地方。各設養蠶公院一所。已蒙批准。惜乎尙未舉行。此係當今切要之事。既非難辦。且須費有限。何不立即維持。挽回利權。再絲除出口稅外。自出產至海口。所納內地釐稅。以及各種規費。每值百兩。已加三十五兩。而別國則僅加三四兩。兩相比較。成本已重。出售之時。安能與人爭勝。此明明阻其出口。所以亦當設法變章。以保絲業。一茶。亦係中國出口緊要之土產。現在已被錫蘭印度兩處壓住。難以多銷。實因彼處之茶。較之中國味濃價賤。商人惟利是圖。誰肯舍賤買貴。推原其故。兩處之所以便益者。一因并無出口稅釐。一因是用機器焙製。既不耽延時日。又省人工。自采葉至裝箱。僅須十二時辰。因其迅速。所出之

葉色厚味香。按中國下等茶葉。加上稅釐。價值已增一半。如此重費。豈能爭勝印錫兩處。前節曾云印度停鑄盧比。是中國適逢之會。如能乘此。國家減輕稅釐。商民留心焙製。將來色味更佳。價值相宜。銷路之廣。定能勝於印錫。以愚見各種茶葉。均當減輕稅釐。機器所製茶葉。出口稅最好僅征五錢。不必按照例。征稅二兩五錢。以輕成本。查本年溫州地方。有人將茶一種。勻分兩處。一用人功製造。一用機器製造。製成之後。一併運送英京。試其價值。嗣聞機器所製者。得價三角二分。人功所製者。得價二角六分。即此以觀。出茶既好。銷路必大。茶能暢銷。稅亦不少。與其稅重而礙出口之茶。何如稅輕而增出口之茶。況茶既暢銷。商民富厚。并可多購進口洋貨。是不獨出口稅增。即進口稅亦相隨而生。色可見減輕稅釐。亦是當務之急。再稅務司曾駐印度。隨同襄辦藏印和約之事。公餘之暇。即於該處種茶一節。留心考察。見其每年采葉之後。一交冬令。概行剪齊。俾千萬株一律平均。迨至來春發葉。陽光均受。生趣更饒。機器製茶。亦勝人功。種製兩法。中國如能仿效。將來銷路。無不日新月盛。一草帽辦。本土產之大宗。每年出口約有九萬擔。日本亦有此貨。是其敵手。中國工人。非不能作上等貨。惟價值則貴於日本。中國所出。大半下等貨多。每捆尺寸。應該揀選一律。方合銷路。現在頗有此長彼短之弊。紊亂不齊。買主難於見信。若能從此留心。每捆分清。長有若干。短有若干。長作長捆。短作短捆。使買主一目了然。深信不疑。毋庸開視。并聞萊州所出之貨。仍按舊法製作。辦之背面。中縫露出一莖。甚為不光。買主多不樂購。以致不出善價。何不仿效鹿邑之辦。正背兩面。均能勻淨。況工夫並不多費。萊州草辦。尚有一弊。顏色不能一律。

或深或淺。紅紫兩色。固然不妙。而藍色尤壞。其故由於染草時。未曾細心講求。現在欲除此弊。應當挑選顏料。先後一律。不得一次用此號。一次又改用彼號。因顏料之中。雖同是一色。亦有深淺。再凡下顏料。總須平準分兩。不得忽少忽多。用水若干。更要有定水之冷熱。亦須畫一。染成之後。宜用清水。小心洗淨。如是製作。色自鮮明。銷流必易。兩色相間之花草。辦亦應揀選極白之草。始行與染色之草。相間辦結。如草本已黃。則與別色配合。甚不好看。誰肯購辦。從前草辦生意。年減一半。近年稍好。其所以好者。因有大行數家。代為查考。勸其專心工作。不似曩日各作各貨。無人經理。聽其潦草。一羊毛駱駝毛。亦係大宗貨物。若欲整頓。不難振興。可惜華商故意攙和泥沙。以及浸水。希圖加多筋兩。可得漁利。毛之長短好歹。均不清。混淆一處。以致每百筋中。泥沙已占三成。淨毛僅有七成。洋商購運出口。所納稅銀。則照淨貨百筋完納。雖雙運費。亦照淨貨百筋計算。受虧已大。且有泥沙。更易損壞機器。如能改除積習。不事作偽。再分清長短好歹。各作一處。俾購者便於揀選。則後來之生意。定能日盛一日。與其攙假。加多筋兩。不如率真。加重價值。况貨能多售。利亦多得。此理極明。人所皆知。一山羊皮。本有數種。華商并不分別。每每混雜一處。毛之長短。亦不清。剝皮更不小心。甚至連肉揭下。希圖分兩加多。不知肉易腐而生蟲。則肉壞而皮亦隨之。既知皮壞。則不得不和以泥沙。以期掩飾。華商僅為得目前之小便宜。而不顧失去後來之大生意。又接

北洋官報

戴樂爾理財節略摘要

七

第一百七十三册

洋商來函。據云。宰殺之後。應用極薄利器。留心剝皮。以免洞眼等弊。該皮剝下。以清水洗淨。止可扯開。萬不可硬擗。用鐵釘在板上。尚有要緊事。既不可用日光曬乾。更不可用火功烤。

乾實爲皮乾愈快。汁水愈易消耗。如是製作。有何用處。最好或鋪在板上。或挂在透風涼棚之下。慢慢吹乾。是爲合法。運來皮貨。尙有一弊。係該羊未殺之前。每有癩病。此病易於傳染。凡畜羊人家。應該隨時查看。有病者須另養一處。無病者又養一處。兩不相見。自免傳染之患。并聞外國行家。已知此弊。不來中國購運。轉向他國購之。華人如肯按照以上之法。更改積習。將來生意。仍可挽回。牛皮弊亦相若。南方所出。較遜於北。華商有心撻雜欺飾。以期均照北方之價值。一豬鬃毛。有長有短。價值大不相同。每擔自二十五兩。至一百八十兩不等。可惜現在弊病甚多。每紮外圍均用長毛。中心雜以短毛。混亂一束。使買主見之。難定價值。再要希圖加重。筋兩。攪沙和泥浸水。不一而足。不知該貨既沾潮濕。稍航時日。無不霉爛。德法兩國。銷售極多。惟德國因畜類近有一種傳染症。凡中國運進豬鬃。必須先用開水浸煮兩點鐘之久。如有在中國煮過之憑據。該國即不再煮。可見現在欲除此弊。應將該鬃先用開水洗淨。然後分別長短。不使紊亂。揀選頭尾。不使顛倒。且須理直。不得鬚曲。紮作一束。再用木板兩小片夾緊。放在開水兩點鐘之久。誠能按照以上辦法。將來外洋銷場。日見其大。一雞毛類。鵝鴨兩毛。用處極多。小雞毛價值有限。往往混雜一處。且攪土粉。每百觔中除淨所存鵝鴨兩毛。多則五六十觔。少則僅二三十觔。洋商販運出洋。關稅水脚。均照百觔之價值。故須雇工揀選分清。是雞是鴨。是長是短。從前止須三天。即可揀清下船出口。現在則須數禮拜方能竣工。如此費事。足見華商貪利。愈雜愈多。自壞後來之生意。氈毛一沾土粉。機器不能分清。尤爲費手。應在宰殺之後。趁乾將毛攢下。而華人則先浸水中。攢出之毛。又放地下。以期分兩加重。查俄國商人。向來亦有此弊。後經該國示禁。不得作偽。所以中國此項生意。近來反遜於俄。甚爲可惜。若果從此不存貪心。除去弊端。何患不能爭勝。一牛

油向以豬油山羊油并水三項攪和其中當出售時則與洋商約明保其淨油若干攪假若干洋商兌價之後即可將原物寄至歐洲分別真偽迨至分清與所保之數實不相符外洋商人豈肯如數給價而洋商又明知中國凡作此等生意之人向無多本不能向其理論追還價值以致受虧不淺如不攪假以實道實洋商放膽購運且可少得經手之項以給價值若仍蹈積習洋商慮其虧本必不肯出重價是在華人圖貪重利而反失利可見此等弊竇亦當速改以興商務一黃蠟白蠟亦係大宗生意洋商頗願採辦出洋銷路甚廣惜華商貪利和以牛油等物不知一經攪假原蠟即壞反成棄材無人過問既知此病受害無窮亟當速改不失其利一斑螿華商素未經心外洋甚有用處佳者每一觔能得價二角五分此物應該曬乾篩淨沙土及別樣小蟲然後封裝洋鐵箱內不能露風如此辦理此項生意

北洋官報

戴樂爾理財節略摘要

八

第一百七十七册

亦有可觀。一麝香本係貴重貨物歐洲來信據云中國運來此貨甚不見妙皆由已沾潮氣香味盡散且又攪雜肉油乾血積石皮碎鉛碎等物因有此弊德國精於化學之人作出一物充抵麝香名曰銅機那現今外洋多用此物少用麝香圖利作偽反壞銷路亦應趕緊設法存其香味杜絕弊端挽回此利一大黃近來年壞一年其故由於不肯小心采製最妙乘天晴味爽挖出洗淨趕緊曬乾不使稍沾潮氣易於腐爛洗曬之後用洋鐵箱裝緊如是辦法洋商放心購運若裝木箱潮氣易沾均不願購再此物以陝西甘肅土產爲上等四川次之華人貪利每以四川所產冒充陝甘之貨欺飾洋商甘肅之西甯產於荒野貨亦甚佳華人果能留心挖取洗曬乾潔封裝堅固不致露風洋商亦願出重價以購之一五稽子近來價值太貴以致貿易反讓於土耳其要之此係野物與其加重價值得利有限何如

多多采折價自相宜。以廣銷路。利更大焉。且又圖重筋兩。浸在水中。此物活水更易霉爛。

一芝麻子。罌粟花子。芭荳子。如有若干。洋商願購若干。銷路甚多。可惜出產有限。僅敷自用。以致價值太高。洋商不能購運。一信石。即砒霜。出於河南湖北兩處。洋商不能多辦。殆因價值太貴。其所以致貴者。由於一路關卡。抽收過重。此貨原不為壞。所惜製法未精。鎔化時不甚留心。氣水蒸出。銷耗頗多。且費人工。如可改用機器。既能省費。氣不多出。銷耗自少。此項生意。亦易振興。一麻。出產極多。惟運抵口岸。大半已沾潮氣。損壞甚多。亦應設法整頓。

一山東繭紬。近兩年內。銷路甚減。因一匹中顏色深淺不能一律。且有數條痕迹。頗為刺目。并又冀重筋兩。攪和米湯。寬既不如從前。價反加大。以現在出口之貨。比之十年以前。減少多多。如再不專心染織。恐此項生意。日見其壞。一菸葉。年年增勝。東洋歐洲銷路甚大。頗願購辦。即如光緒十八年。出口不過九萬二千一百二十七擔。二十四年出口。則有三十七萬一千一百三十七擔。後七年。陡增三倍。不為不旺。惟聞華人。每不俟該葉長足。即行采折曬乾之後。又不問好歹。混紮一處。別國亦產菸葉。卻無此等弊竇。中國商人。向來以不好之葉。捆在外圍。好葉收藏中心。現因貪利。將不好之葉。亦雜其中。以期掩飾買主。迨出口之後。一路運到。并將好葉。亦被帶壞。香味俱無。外國商人。知有此弊。視為畏途。此真自壞聲名。以阻銷路。如能改除積弊。采折則候其長足。捆紮則分其好歹。洋商放心購運。將來此項生意。定更勝於今日。因中國價值甚廉。外國以之攪作洋菸。甚為合宜。以上所論。係先將幾種出口大宗貨物。約略言之。其餘出產甚多。弊亦相等。不勝枚舉。且近瑣瀆。閱者生厭。推原其故。因華人止知為私。不為公。願前不願後。不知國家之強弱。即視商務之盛衰。商務之盛衰。即視貨物之美惡。現在欲除此弊。應由國家通飭各處地方官。照請就近之稅務司。細問

洋商何貨有弊。何貨合銷。何貨難銷。一一開示。以便轉助商民。有則改之。無則加勉。中國地大物博。誠能如是整頓。將來貿易。必駕各國之上。除出口土產已經詳言外。再仿製洋貨。亦

北洋官報

戴樂爾理財節略摘要

九

第一百八十册

係當務之急。如現在尙有幾種貨物。係向外國購來。其實可以仿製。但國家應代爲經理。以助其成。如可設廠仿製。所需之工。均雇中國之工。所需之料。均用中國之料。無庸借重他人。利不外溢。莫妙於此。目前上海已設織布局。紡紗廠。造紙局。自來火等廠。紡紗尤關緊要。今已開設九家。如可逐日工作不停。極忙之時。應用工人三萬。每年工價可得二百二十五萬元。應用棉花八十五萬四千二百五十擔。值一千一百萬兩。出產人家。見其機廠林立。逆料用花甚多。不妨高擡價值。以圖目前之利。廠商見其價值若是之貴。止得半用中國半用外國。且不多紡。雇工亦少。中國棉花出產甚好。既白且堅。價如不貴。必全用中國之花。不俟他求。查連子棉花。在出產地方。去年每百觔僅須工本一元一角。迨至發售。則得五元八角。獲利之厚。於此可見。自出產至申。一路抽釐。共須二角。一路運費。又須三角。三共已值六元三角。每百觔內。子有六十七觔。值價一元二角。除子之後。得棉花三十三觔。值五元一角。如是百觔則值價十五元五角。再除軋子工費。實值十二兩六錢八分。商人居奇。故高聲價。每擔索價十六兩五錢。減卽不售。以致每百分中竟有三分。因此耽延。不能售出。迨至今年。此三分壞去不少。如紡紗廠。因發價之貴。轉買外國棉花二十二萬九千一百五擔。值銀二百八十三萬九千七百三十兩。再因花貴不便多紡。紗不敷用。轉買外國之紗。一百九十五萬八千七百六十四擔。如是之多。應需棉花二百十八萬四千二十二擔。值銀二千六百二

十萬八千二百六十四兩。卽此以觀。不獨失去本國棉花價值。且失去本國紡紗工價。其故由於民人各存貪利之見。不顧大局。以爲既有紗廠。總需棉花。非我不可。不知人情皆然。誰肯舍賤買貴。且有市價。花價如貴。紗價卽不能賤。將來出紗。反貴於外國之紗。其勢不得不買外國之花。既買外國之花。亦算給外國工人之價。此明明以自己利權。反讓日本印度兩國。況花價既貴。紗廠不能多紡。紗既不敷。又須買外國之紗以補之。失利之中。更失利焉。如欲整頓。亦當曉以利害。統籌全局。勿貪目前之小利。俾紗廠得以全購中國之花。卽全給中國之工價。不獨花無須借重外洋。卽紗亦可敷中國之用。花價不昂。裨益甚多。以上皆爲民間之利。似與國家無益。不知亦有利焉。紗廠所紡之紗。本有就廠抽收之稅。以抵進口稅者。足見棉紗進口之稅亦不致失。再棉紗既不進口。亦必改運別種貨物。是又可得別種貨物之稅。所以紗廠之事。國家應當設法以助其成。高麗需用棉紗甚多。可惜中國價值貴於日本。日本國家體恤商情。欲爭別國之利。凡有工作所需之料。均免進口稅。及至到廠製成貨物。既無釐金。又無出口稅項。棉紗亦然。成本較輕於中國。所以高麗專向日本購辦。而不買中國之紗。可見中國不理財政則已。如理財政。亦有不能不辦之事。再自來火。上海福州漢口重慶等處。均已設廠試辦。惜其價值不能抵制日本。因日本國家經理商務。體察情形。輕

其成本。以固本國利源。凡民間工藝所需材料。概免進口稅項。及其成物。既無釐金。又無出口稅。運至中國。照洋貨進口之例。值百抽五。卽改運通商別口。亦不重征。如在中國仿製所需材料。先納進口稅項。卽如玻璃粉。包皮紙。藥料。蠟木片。木梗等物。一經進口。照完進口稅。

項製成之後。販運出口。則繳出口稅。迨運別口。又繳復進口稅。如入內地。則照土產之例。逢關納稅。遇卡抽釐。日本貨物如往內地。照章完納子口稅項。請領入內稅單。聽憑販運。毫無阻遲。且子口稅較輕於釐金。曾詢美查洋行。中國仿製有無利益。據稱自來火因其稅重。不能抵敵日本。刻已停工。此真令人有不能解者。天下各國誰不止知有己。不知有人。而中國反是。僅知爲人。不知爲己。不然何以明知其利。不獨不與人爭。反似助人以爭之。或者謂洋商限於條約。華商聽我所爲。不妨重征釐稅。藉以富國強兵。豈知商民無利可圖。即棄其業。釐稅已無。何重之有。況工作既停。虧本可知。民既虧本。日見其貧。民貧則國亦貧。可見自困其民。卽自困其國。卽如麪粉一項。光緒二十四年。有美國運來者。值關平銀一百七十七萬四千七百十二兩。以中國本有之物。何必借重於外來。各省產麥本多。而又以陝西河南兩省出產爲最。不獨勝於各省。卽各國亦不能出其右者。如遇豐年。除當地銷售外。盈餘不少。惜無鐵路。不能運出。盤送費重。運至遠處。價不相宜。以致已割者既未售出。未割者聽其自老。江蘇本亦產麥。但在上忙。並不礙種稻之時。此卽算另外之出產。自上海有磨粉機器設立之後。附近農家。知有此等銷路。不妨多種。不意磨出麪粉。不准出洋。如暹春日本等處。止得轉買美國麪粉。此明明以我自有之利。轉讓他人。印度麥子。在尋常年分。出口尙有八百萬擔。中國如有鐵路。此項生意定亦不小。况百姓知其銷路。自然多種。以備出口之需。儻遇凶年。亦可留以自用。因其值價既貴。不能抵敵他國。無人來買。卽此以觀。出口之物。係盈餘無用之物。卽或凶年。較之並未多種之時。仍可多得。以補不足。足見豐年有餘。不妨出口。以收其利。凶年無餘。價值自貴。不禁之禁。亦無絲毫出口。現在不察情形。一律禁止。是將已割者聽其堆集於倉箱。未割者聽其朽爛於田畝。以有用之物。置之無用之地。令人可惜。以稅

務司愚見。機器麵粉准其出口。將來銷售愈多。耕種愈廣。此項生意。必成大宗。農家得沾其利。與民食並無所礙。查中國積習。凡農工商賈。聽民自爲。上不與聞。民亦不關於上。盈餘則歸之天。虧折則委之命。獨至徵斂之術。權稅之法。鈎稽繁密。日甚一日。是止有取民之法。並無富民之政。尊卑之分太分。上下之情相隔。各國亦何嘗不分上下。定尊卑。惟知富國之道。不在得民財。而在得民力。財有盡而力無盡。所以農工商務。設有專官。凡民間造辦一事。仿製一事。或獎勵。或教導。無不曲爲體恤。隱助其成。上下一心。共爭別國之利。中國現在應該仿製洋貨。原不止此區區。但舉一可以反三。毋庸多瀆。執國政者。總當考查情形。以期收回

北洋官報

戴樂爾理財節略摘要

十一

第一百八十二册

利權。不使外溢。然亦不可概論。現有一事不獨不能力助其成。且當嚴行禁止。如土藥是。中國之自種罌粟。仿製土藥。此中國之害也。始則一二地方。現在各處先後效尤。指不勝屈。在言利者以爲既有土藥。可以塞洋藥之漏卮。節流之法。莫尙於此。要知田地既種罌粟。卽無餘地再種糧食。民人既製土藥。卽無餘力再事耕耘。可見人力有限。地方亦有限。多得一分子藥。卽少得一分糧食。小民僅知爲利。總以種罌粟勝於種糧食。豈知民爲邦本。食爲民天。如遇水旱偏災。民無餘粟。受害無窮。再洋藥價值本貴。稅釐又重。內地寫遠之處。恐難運至。卽有亦貴不可言。因貴則少食。土藥產自內地。相離較近。處處可到。價又便益。食之者衆。流毒更多。爲今之計。欲清其源。惟有禁種。俾得廣種五穀。民不受害。國亦有利。稅務司駐華日久。每期自效。凡有見到之處。豈敢安於緘默。故於公餘之暇。徧訪商人。得其大畧。是否有當。錄呈鈞鑒。已完

多倫諾你學田碑記

國家經庚子之變。銳然思變法。科舉改試策論政藝之外。尤以徧直省府廳州縣設學堂爲諄諄。蓋列強競爭最烈之際。非人人愛國。不足以圖存。非人人明學。不能知愛國。非民德民智。民力并進。不足以成學。古之設學校也。僅爲一士。今之設學堂也。則無論爲農爲工爲商爲兵爲牧。夫爲警卒。內而至於婦人赤子。下而至於鷓鴣。癡盲極而至於罪廢囚徒。皆賴學堂教育以補救之。焉官之有候補。吾國所習見也。民之有候補。吾國所創聞也。然泰西各國通例。必入小學堂。明普通之學者。方稱爲候補之國民。否則奴隸牛馬野蠻番。視之不齒於民也。且兒童六歲至十四歲。名曰學齡。如曠廢不令入學者。罰其父母。無父母者。罰其有責任之親友。其視學堂之重要。如此。勸學之廣大如彼。以故德美英法各國。無人不學。無事無學。學堂多至數十萬。所學費多至數百兆金。即日本區區三島。人民不及吾十之一。土地不過我十八行省之一。然自明治維新以來。公私學堂已有二萬數千所。學堂生徒四百餘萬人。學費亦年用四千餘萬金。三十年來。人材輩出。近且日增月益。未有艾。此所以甲午庚子兩役。能得二百數十兆之價。執東洋之牛耳。富強爲世人所驚羨。豈非廣立學堂之明效歟。靖學術淺陋。祇乏此邦。屢奉 憲檄。設立學堂。審願勸諭。經年迄莫得其下手之方。蓋多倫遠處塞外。向爲蒙民游牧之場。商賈僑居之地。不惟無師。抑且無徒。語言不通。榮進

北洋官報

三

無與。屢示不應。原無足怪。故籌款尤難也。况 督部堂袁公。奏定直隸學堂章程。每中學堂經費年須三五千金。若籌款生息。非十萬金不能得此經常之款。夫以文字不同之蒙衆。榮辱無關之商旅。值此民智未開之日。雖有智者。又烏從而勸導籌集之耶。今又丁先秦淑人

之憂肝腸寸裂心神瞽亂交卸在即益無能爲力原有集存陋規銀一千四百兩購置毓公
府大南溝馬廠荒地十號計地五千畝合內地不下七千數百畝四至另載於碑陰發交許
心德等領種開墾二年墾熟後二八分糧卽永遠爲闔廳興立學堂之費稟定不准挪作別
項公用如得有憂時愛土之君子明農教稼整頓而調度之二千金之租尙不難致若仿
農學畜牧新法雖萬金之租尙非妄想也嗟乎世變方殷時艱孔急鯨吞虎視於吾側者方
磨牙吮血朝不容夕而此區區數十頃之地得尙在二二年後興立學堂培植人才更不
知何時引遠水而救近焚馳遙道而拯急溺安在其有濟也然子與氏不嘗云今苟不畜則
終身不得乎故靖創置此學田也姑比之精衛之銜石愚公之移山結此愚誠以俟蒼蒼者
之感召耳效與否非所能逆觀也然後之撫斯土者尙不棄此一簣繼長增高提前而預籌
之又烏知不收效至捷耶日耳曼五百年前與此間景象不相遠耳今猝爲歐洲第一文明
強盛之國豈非有弗蘭培爾海魯伯爾諸教育家爲之倡引哉人類進化之速又焉可以常
情量也國憂家戚交集於中愁焉如擣語不暇擇姑雜錄世界學堂之大略與置此學田之
本意以供賢司馬採擇焉

記旅順沿革及地理現狀

譯東文通商會纂

土地沿革。變換無常。而旅順一區。尤爲古今人所注目。遐稽遠代。原爲冀州地。春秋戰國。則屬燕。秦號遼東郡。至金爲金州。轄元廢之。明洪武四年。置金州衛地。其間爲朝鮮占據。一次。唐太宗從山東登州。率舟師東渡。合契丹回紇之兵。與朝鮮鏖戰數十次。卒被困於牧羊城。回紇將軍者。有驍勇善戰。教太宗出。竟克朝鮮。割鳳皇城以東之地。朝鮮降爲藩屬。旅順復爲中。有明初。屢有倭寇。至此蹂躪。將軍劉江。禦以強力。其患始絕。此沿革之大畧也。吁。昔時不過一小村落耳。大海荒山人跡罕到。舟楫往來自元明始。蓋大孤山富於森林。材木之利。斤斧空集。運送各港。路所必由。又自南清往營口及錦州各地。自山東登萊諸郡往朝鮮各地。亦罔不假道於此。是以人咸稱之曰此順路也。便於行旅。因名曰旅順。中日戰前。直督李文忠公屢次建議。預籌海防。築砲臺於山上。復以水師二萬人屯之。形勢頗固。甲午之役。守將未及交綏。棄防而逃。地爲日據。以俄法德干涉。再歸於清。清旋租與俄。限以二十五年。立有定約。俄既得土地。權視爲己產。經營慘淡。不遺餘力。焉夫旅順天險也。位關東半島南端。距芝罘七十四海里。距威海八十九海里。老鐵山脈蜿蜒而爲饒頭山。至老虎尾扼港之西。口黃金山立其東。口二山開僅一水道。可通港內正面。名白玉山。他如椅子山。鞍子山。松樹山。二龍山。雞冠山。勞律。砗磲。珠礁。黃金山。老龍尾。饒頭山等。皆有堅固砲臺。聳立黃金山上。更有眺遠樓。及信號臺。以備戰用。未完

記旅順沿革及地理現狀

譯東文通商會纂 續四十四冊

從市內官衙。可通電話。本港南面狹。有口海水灣。入陸地山岳突起。圍抱雖烈。颺怒濤。港內仍平靜。故爲避風之奧區。港中又分東西兩部。東部位黃金山背面。爲軍港埠頭。容巨艦十。

餘艘繫船地長四百七十六尺廣九百八十四尺此係俄國租借前實測之數目下又變動不少潮時深三十六尺六寸潮退不過二十五尺其一角設有船渠西部老虎尾之內較東港稍淺疏泊船舶只容數艘自歸俄人後注意深濶日益加深此形勢之大略也夫其交通之利便也如彼其門戶之險要也如此地理家稱為渤海之咽喉豈不然哉港陸街市昔在清國時分為五區今皆以俄語名凡俄所建設者若總督府海陸軍諸官衙及民政廳市役所警察署郵便電信等局又於各地建有營房醫院倉庫之屬雖險隘狹小而規制畧備釐然井然彈丸黑子隱若敵國窺其用心殆忘其為別有主權之物矣

譯者曰孟子言高城深池委而去之則山谿失其險吾觀旅順之前事未嘗不裂皆沾襟也方庚辰辛巳間合肥驟營海軍念北洋根據地無逾旅順者築壘建塢欲以屏蔽遼海據丹徒馬氏記錄自大沽口距旅順五百一十華里海口南向兩山對峙如門右雞冠山高十六丈而西隨左黃金山高四十丈兩峰皆童榭牙劍簇日內水深無逾三丈橫巨淺沙深丈二尺白玉山富其前宛如人胸雞冠黃金兩臂翼然右臂長伸容巨艦數十左臂

短縮潮退利涉若挑濬亦可泊十數舟高四丈黃金山峻削磬石亂道曲折躋其巔迴環展眺口內外之形勢前後左右之山膠海股歷歷如在掌上雙門闔闔左右犄角子藥線路射及三面白玉山排列巨礮虎踞中權所謂一夫臨關萬夫莫當者非耶右臂直徑首尾可十五六里有故旅順城遺址徧山皆金沙土人多資以為業老鐵山下乃有得塊重五六兩者鐵山旁復富煤產可鑄鐵鍊馬美矣哉黃海天建之鎮鎗師船不竭之煤棧也比年日人公私紀載於俄營遠東織悉詳盡非直脣齒之懼意蓋傷其侷得侷失不啻搯吭而哇

故言。之。有。餘。痛。焉。夫。日。本。非。旅。順。之。主。人。也。而。引。爲。大。恥。若。是。然。則。我。民。讀。其。報。章。與。吾。國。人。所。著。書。相。印。證。宜。如。何。之。感。喟。矣。夫。陸。師。不。強。則。無。以。自。保。海。軍。不。振。亦。終。不。能。雄。飛。商。戰。者。海。軍。之。產。兒。也。上。下。一。心。艱。苦。浮。厲。吳。越。之。閒。具。區。汪。洋。降。而。求。之。豈。遂。不。足。以。回。旋。乎。待。我。二。十。五。年。威。建。信。立。吾。家。故。物。行。復。歸。耳。是。所。望。於。遠。猶。碩。畫。之。君。子。

方今二十世紀之政策。或膨脹、殖民、或保護、貿易、或侵襲、工業、或擴張、領土、奇正兼備、水陸
井營、因之各國交際利害密接、其關係複雜、影響敏捷、綜攬大勢、殆合世界各國爲一團體
之條約、聯邦有如商工業之一大競爭場者、果誰得超然逸出、立於成敗以外、而孤寄獨存
者哉、雖各國版圖有大小、人口有多寡、兵力有強弱、民生有貧富、至於執政、根據主義、斷不
可無世界思想、卽斷不可無世界政策思想、以余所見、世界之大勢、既如此矣、而推勘列邦
之情狀、其本國之現勢、恒視世界大勢之旋轉、以爲變、蓋世界不啻立於一大活動場、乘國
鈞者、又不啻執一大活動物、此中或把持之、運轉之、掀翻之、簸弄之、以此力發展其國勢、增
進其民福、高掌遠躡、其趨時若鷙鳥、猛獸之發、斯爲政略之錚錚者也、今試爲我日本論之、
人第見日本及今文明漸闢、詎知此所以闢之、由固已實握世界政策之本原、而確立其
基礎、規畫其方針乎、若非以大其國力者、開發展之端緒、至本世紀中、葉必漸至微弱、苦無
自衛之道、而危急存亡、無可如何之時勢、亦必將至於目前、雖一轉瞬之間、豈可趨趨、因循
左支右吾、坐耗時日哉、然則於此二十世紀中、其第一急務、要於國際大競爭場中、發展此
商工業、海運業、及殖民業三者之主、力而外交政略、以此疏通之、而無不張海陸軍備、以此

保護之、而無不強、斯又余之所敢斷言者也、人果以此法權衡其本末輕重、各各無誤、殆於
世界實行政策、掌唯一之關鍵、樞機矣、前奧國外務大臣、垢盧添幼斯克氏、嘗宣言於衆曰、
十六十七兩世紀、爲宗教爭亂時代、十八世紀、爲自由民權主義之勝利時代、至十九世紀、
小國主義、三島、赤、等、長之二十世紀、則又變爲各國貿易工業生存競爭時代、垢氏之言、

明眼如炬洞垣一方謀國之人可不傲懼乎。余是以爲天下有志之士大聲疾呼奮袂直起。凡所謂政府政黨實業家及教育家等皆踴躍奮興。蹕勵風發。具有涵蓋一世之氣概。九願有人格之國家皆振其精神透徹於全軀。鼓其熱血激盪於方寸。並疏其肌絡貫通於四支。百體專心壹志。向此世界政策導以活動方針。於商工海運及殖民事業窮萬端之力而改良擴張之於繁文縟禮及虛妄情狀節一己之欲而刪除省略之。由此黜華崇實去僞存真。不亦善乎。夫太陽不下則昇太陰不盈則缺。全球之國力不發達則縮少。雖一日隻時亦斷無於同一地位停止留滯者也。輔世長民之君子卽吾說以身體力行之。兢爭之至而轉爲平和。是則予之言爲不虛也。夫。

論說

譯日本中橋德五郎與國三大策 此文篇極過長辭情冗複惟立說頗可借鑒我國因為聊節潤色參以己見蓋意謂非直譯也

通觀寰宇。曠覽時局。泱泱列邦。角並競。鄉者。踞天踞地。思不越境之族。舉欲與帝業建大。謨。鸚視虎。遂睥睨全球。解決中外之問題。規畫世界之政略。取精用宏。高掌遠躡。於區區內。治。小利害。若不肩措。意者。然此實二十世紀之大競爭。未來天地之新事業。哉。故夫欲建帝。國。先養國民。國民之人格。備而後。帝國之基礎。立。民備。國立。乃足以問鼎周原。逐鹿大野。而。凡一庶政之興替。一人之才之進退。皆以全世界為方針。斯民氣日昌。國運日盛。於以鞭撻海。內。不難矣。雖然。治國之術。至不一。有積極政策焉。由之則浮然。以與有消極政策焉。用之則。的。然而亡。此不可不審也。消極者。何務清靜。無為。畏難。苟安。其治。棄人而任天。其為。效果也。足以沮抑民志。使之愚惰。委財羣治。使之黑暗。收縮國力。使之微弱。與所謂自強不息。偉大。國族之主義。適成反比例。積極則不然。常齷齪。故土小天地。而有囊括域中之心。常非薄內。國小朝廷。而有虎據霸權之想。務進取。務希望。冒險不懈。其治。盡人以勝天。蓋當代雄國。鮮。不由之。其強力之世。莫或可逃者。歟。今日本朝野政治家。概念國是。腐心懊惱。欲整理財政。曾益幸福。而提倡不外節儉之細節。經營惟在牙籌之末計。以匹夫之下策。當國家之遠猷。以貧媪之絮囑。阻英雄之邁征。計較錙銖。旁皇中路。此非興擴之道。實敗亡之徵也。夫國之。盛衰強弱。必不可以面積人口定為等差。若廣土眾民。而智識不進。則不足以為國。龐然肥。

北洋官報

一一

第四十八册

脰直粗。上肉耳。日本遠居極東。踞踞介立人。寡地狹。比於彈丸。然而革新三十年。富政治。之。能力血戰。三度負軍事之榮名。國之強弱。果繫於幅員大小乎。哉。惜乎誕造國業。入世已。遲羣雄。東漸勢如秋濤。鉤爪鋸牙。各占疆域。我雖欲建。廡提鼓。銳焉。思逞。割裂諸夏。爭為主。

盟亦已晚矣。籌國事者所宜利用敏活之手腕堅忍之心力。於既獲土地擴充之使富已拓進路伸展之使長則誠不血刃之武功而今日最要無上之經畫也。其道何由則有振衰爲盛轉弱爲強三大事。未完

論說

譯日本中橋德五郎與國三大策續第四十八册

一、爲更革教育制度也。天之生物在於春夏則成。秋則萎。冬則閉矣。人之進步在乎少壯則書老則退。衰則朽矣。故冒險遠征。希聞黃髮之叟。初犢搏虎。無取三思之數。誠以迅奮邁往之業。正宜利用此未定血氣。以副其程也。夫大地旋轉。颺逝水流。天行淘汰。歲不我與。有生事業多在未來。凡百磨礪。首貴實驗。彼鑽研故紙之未。局脊几案之上。晤對多陳人考察。皆往事出門施措。十九乖。倘譬畫餅以充飢。等匏瓜之食。國政民業何所賴乎。今日日本教育制度。學期則失之遲緩。課程則傷於繁密。使少年英銳之氣。天賦智勇之德。俱挫折沮喪。於無涯之津銷蘊。淫滯於莫殫之業。循是以往。精進者轉而退縮。活潑者化爲齷齪。疏遠實務。無當事情。如此而欲與世界相見。難矣。難矣。昔舊幕時代。男子十五之年。卽負軍隊之責任。故能養成幹練武勇之民族。以有今日也。近代歐美諸邦。商工操業之子。大都年齡不過二十。便能執掌庶職。因應無方。臻於嫺熟之境。獨我邦人士。及冠以後。猶在黌校舍所。授受一無聞知而立之年。忽焉已至。頽然一老翁。昏然一學究。耳曾以我邦教育之宗旨而造出如是之人才哉。當事者誠欲發展民力。休暢國運。必須短其學期。使易畢業。簡其課程。使無畏難。令我人民早從事於實施之地。無負其年華。不戕其懿美。育成公德。泱泱爲大國之民。則此道得焉矣。

一、爲確立殖民政策也。廿世紀之競爭不在國內而在國外。新帝政之侵略不在滅地而在殖民。勇哉白人。六洲得五。卽今太平之洋亞洲之陸。磨牙側睨。擇肥而噬。權力所漸。各有範圍。此豈尙容我新興之國覓占未領之曠土伸權利以謀開拓乎。雖然攻城屋社得地之名也。兵凶戰危。憂喜恒半。遷族殖羣。得地之實也。其滋長力甚富而常使人不及覺。三數傳後。有欲覓土人而不得者。此之能力惟貴自求。進取不舍。終濟所屆。曷可對列雄而興歎守窮島而戢影耶。我國鄉者亦嘗獎勵移民。分布勞動壯丁。資遣異國。然遷移之初。供給原出於我。旅食既久。習慣將化於人。斥無數有用之民。爲他族殖產之具有百害而無一利。是可爲長太息也。今欲弭害而興利。則宜助移住丁衆。增進財產。使之安土重遷。劃旅居區域。創建市町。使之合羣自治。始散處以冀普徧。繼聯結以壯聲援。惟求實益於我邦。無相妨害於列國。更以政府之命。調遣軍艦。保護扶持。兵力所及。權範斯在。將來地球表面。或無不有日本殖民之迹焉。未可知也。彼支那滿洲及南洋諸島。先以此術試行之。庶幾乎雄飛宇內。馳騁環球者。其以此策爲之先河哉。未完

論說

譯日本中橋德五郎與國三大策 續第四十九册

一、爲慎選各地議員也。所貴乎立憲政體者。將使國民齊一心志。併力競進。無愆軌道之謂也。密勿之地。一日萬幾。必博通寰宇。洞明世局之才。乃可以因事起機。爭時達變。今州郡所推多取備位。建白之策不出井閭。爭辨之愆。罔關軍國。將何以規畫平和。增進強利。夫蠻觸之譬。智者所羞。外侮方來。兄弟釋械。區區一地之利害。一事之衝突。雖閉關時代。猶所不取。

方今全球交會。禍福密切。如響。應聲。若豫。算之。協贊。法案。之議。決。施。措。得。失。國。力。以。之。消。長。豈。可。不。觀。省。大。勢。擢。揚。鉅。人。樹。帝。國。之。標。準。司。邦。家。之。腹。心。乎。或。謂。郡。縣。民。智。猶。在。稚。幼。偉。大。之。業。非。可。驟。幾。然。人。智。發。達。不。關。天。授。誘。導。習。慣。便。成。機。運。風。會。所。盪。懸。格。斯。來。我。邦。選。舉。政。策。自。改。正。實。施。以。還。衆。望。推。屬。多。在。有。爲。之。士。輿。論。已。萌。其。朕。兆。政。府。亦。待。以。殊。尤。特。彼。宏。偉。開。敏。之。賢。多。集。都。市。平。居。鄉。里。選。舉。民。衆。沿。襲。風。氣。往。往。推。引。自。前。謹。厚。之。子。棄。置。眇。眇。不。凡。之。才。良。可。嗟。惜。此。由。外。閩。今。世。之。大。局。內。無。自。尊。之。質。性。長。慮。卻。顧。徬。徨。疑。惑。苟。安。島。國。無。意。蜚。天。長。此。不。變。終。流。萎。靡。將。何。以。完。憲。法。之。大。用。速。國。務。之。進。步。哉。亟。除。陋。隘。加。以。恢。張。自。信。爲。大。國。之。民。爭。勝。於。列。強。之。域。庶。幾。戡。收。憲。政。之。効。果。享。帝。國。之。光。榮。可。翹。足。以。俟。已。

譯者曰。吾讀中橋氏文。而皇然內省於我國。我國比年慕效日本。至矣。夫孰知彼中鴻哲

之士。鍼砭國人。猶勤勤策勵如此哉。吾一再紬繹之。竊歎彼所譏者。猶爲我瞻望不及者。也。學期遲緩。課程繁密。彼教育之弊。我則子衿惰游。多在城闕。童稚廢業。踵爲頑愚。身不知學。何有遲緩。豈况課程無煩贅言。新興之國。難覓領土權利未伸。開拓匪易。彼殖民之弊。我則邦內險阻。多與敵共。海外庸僕。猶不見容。人皆殖於我。我將何往。以自殖也。憲政幼稚。理想未宏。郡縣代表。各私本土。彼議員之弊。我則義務權利。兩俱夢夢。爲我之外。有若胡越。對乎本土。而無所於愛。予以憲政。亦必不能行。以斯衡較。何度量之相越。乃爾乎。孔子曰。齊一變至於魯。魯一變至於道。以歐美爲道。則日本猶魯之比例也。我亦亟求進於齊。以爲魯之豫備而已。噫嘻。晚哉。

語農

農者生民之大命。吾華處亞洲大陸之上。亘古以農立國。數千年來。聖帝哲王。明農教稼。貴粟重本之。意備在。往籍無勞。縷述且農之為業也。勞而其得食也。艱勞則生善心。艱則惜物力。而又傳習乎古。先聖哲力田節用之格。言相詔相勗。薰成風俗。故農家者流。多質直而愿。慤樸陋而吝嗇。凡夫勤儉致富之說。人人知之。亦不必為之反覆。而絮聒也。處今日之時。際今日之勢。所急欲與吾農言者。在求新法以開知識而已。今夫人之生也。必有所養。養生之物。惟農攸賴。而生生之數。常以孳乳而浸多。百畝之田。一家數口。足以饑給者。祖孫再傳。食指數倍。人多而用少。舊有之業。苦不供用。徒恃勤儉。已有不足之勢矣。若夫知識不開。愚拙自安。其勤也。或徒勞無功。其且無益。而有害焉。其儉也。或得此失彼。抑或甚愛而大費焉。是故曰。勤曰儉。雖為人生美德。而在今日。未可以為如是已足也。然則欲有以輔勤儉之不足。而厚其生計者。固莫要於開知識。已方今東西各國。精研農學。新法日出。其幽深。遂足以洩造化之機緘。而其實測實驗。即習見習知之事。而證明其所以然之故者。往往為農夫婦所能知。故欲開知識。在講明農學之新法。其中要義。可略言焉。夫耕作之道。力者欲柔。柔者欲力。急者欲緩。緩者欲急。溼者欲燥。燥者欲溼。此吾古人之明訓也。今外洋各國。乃更實驗乎沙礫膠泥之殊性。岡阜原隰之異宜。於改良土壤之方。如耕耙鑿壓灌漑溝渠諸事。無不

北洋官報

詳析而明言之。樹藝之道。息者欲勞。勞者欲息。上田棄畝。下田棄耨。今茲美禾來茲美麥。亦吾古人之明訓也。今外洋各國。乃更精究乎各土壤之瘠肥。各種物之體質。於穀類莢類根類。需用之養分。膠土沙土雜土。輪種之成蹟。莫不剖晰其多寡。辨別其同異。而列表以昭顯之。至於辟剛用牛。赤繩用羊。墳壤用麩。渴澤用鹿。化土糞種之道。吾古人雖亦有明訓。然失

其傳者久矣。今外洋各國於何種土之多何原質何植物之爲何原質既一一考求而確知之已。而某糞料宜於某土也。某植物宜用某糞料也。某草某木之灰某動物之糞洩與其骨革毛羽各有肥質若干也。以某飼料飼家畜其糞洩內之肥質可得何數也。欲防肥質之耗失而保其利益宜如何治理而施用也。亦皆不憚繁蹟而一一考覈之。凡此諸類東西各國皆深研其理實試諸事初似甚費終乃大贏。嗟我農人急宜取法若夫測定氣候則有寒暑之針節蓄人工則用汽機之力計時而赴功暫耗而永利其法益新其效益著。九足示勤儉之準的指勤儉之迷途而一切農產製造之有法農業經濟之有學其可以開吾知識更無論已。烏乎貧富之道莫之奪予巧者有餘拙者不足。今東西各國出其智巧講求農事物產既日豐饒人民既日富樂矣。吾中國地處溫帶人士穎秀苟亦悉其智巧與彼爭長財用之阜何遽相讓。況如直隸者戶口繁衍土田礪瘠若不急求新法將有日不暇給之勢。惟吾農民其尙可自安愚拙坐致困餒耶。有謂外洋農法未必可行於中國者此則未嘗聞道之論耳。英人有言農學之法造物之公理也。澳大利亞之乳油無以異於歐羅巴亞美利駕之水質無以異於亞非利駕也。又曰學農於蘇格蘭而至澳大利亞其真知農事者必無窒碍也。願我農人三復斯言勿懼勿疑。

儒之爲學。惟務修己治人而已。顧所以修己治人之道。本乎天。殺乎地。周乎萬物。通乎古今。中外而未始有遺焉者也。惟天地之化。無窮。是以萬物之蕃變。古今中外之運會。其著於人事者。由樸而日趨於華。由拙而日入於巧。推之悠悠億萬載。人性物質。將無復醇厚之存。而變亂莫可究極。聖人知其然也。裁成輔相。左右斯民。不先天以開人。每因時而立政。故曰。範圍天地之化。而不過。曲成萬物。而不遺。通乎晝夜之道。而知。又曰。觀會通。以行其典禮。此豈直爲古昔之一時中夏之一區設哉。蓋所以爲天下後世慮者。至深遠也。故夫亡秦之蔑古。匈奴羯氏之亂華。遼金元之迭起。不遑論矣。時至於今。寰海內外。耳相聞。目相接。不幸在我之政教。頽敝。患氣日深。凡百事爲莫不眩乎其後。而鐵軌電綫。船廠機器。格化之等。千名萬狀。歲新月益。鬪智而爭奇。然豈果爲道之所不能御。理之所不得眩。委諸儻忽之鑿。而渾沌遂死哉。抑亦運會所趨。聘其材力。心思之變。罔知限斷。將有待於聖哲。而以爲取裁制節之資也。乃或者憂世迫切。不憚望此之源。而以逐彼之流。遂若古人之書。不足於讀。古人之法。不足於治。日號於衆。期別爲窮年莫彈之業。以拯一旦顛覆之危。甚且視小學大學之成規。五典三物之至教。與夫中庸之理。學記之法。舉無當於師範。雖曰苦心將以救時。尋其名實。不太自徇乎其流之弊。必且有潤色新舊約書。如晉宋之佛經。而以爲救者。又孰從而禁之。則雖人盡利瑪竇。足爲今日義和人皆湯若望。無愧誦微教師。曾未卜緩急。可使而況欲以端學問。始基恢經濟。宏略其去。聖學王道。不亦遠乎。今夫王道雖未易言。然非以王道爲體。終無以濟今日之時變。聖學雖不可幾。然非以聖學爲宗。亦無以定今日之人心。曷以故。負海諸強國。彼其於霸術。曲以盡矣。旅華之遠人。其持異教。僻而堅矣。昔蘇子論戰國。猶以爲雖有桓文假仁義。挾天子以令之。其勢有所不行。而中國異端之教。若老釋之元。虛心學之狂蕩。雖賢士大夫。且往往濡染陷溺。而莫之覺。知道者。每引以爲戒。是知正路不可以歧。而

銷奇劫弭巨患。尤必先端其本也。故儒者苟無與於天下。則無所謂學。亦無所謂教。若猶戴高履厚。居於中國。翹然自異。號爲四民之首。其不容進以他術明矣。則亦曰祖述孔孟。憲章程朱。窮理踐行。以修其身於古訓。無或敢悖。然後舉所謂經濟者。自審材質。擇於政治兵農算藝四者之科。得主有常。層累而登。各造其極。體用於是。乎備舉而本末悉有以交維。蓋其規模雖有廣狹之分。而其事則無一非切其條目。雖有洪纖之異。而其理則莫不相通。遠監帝王近稽策府。內徵民獻。外取四裔。爰稟四庫目錄於天學。初函斥其理編而錄其器。編之旨。陶奇情以大鈞。範機巧於日用。農商工技。講之不厭。其詳而以正德利用厚生之精。意宰制於其間。凡彼慕華而來者。既見吾大經之正。民志之定。一切奸謀雄心。亦且自戢。涵濡久之。至於頗識綱常。皈依聖化。足以驗凡有血氣者。莫不尊親。則大地庶其定於一。中外永永相安。而無復焚坑凌逼之禍矣。若乃生帝王聖賢之後。目駭於殊詭。氣懾於強梁。爲治者不能自治。轉自墮其法。而待治於人。爲教者不能教人。方盡棄所學。而受人之教。語及聖學王道。不以爲迂。則以爲侈。其志趣反出所謂牧師神甫者下焉。盍亦思爲天地立心。爲萬物立命。爲先聖繼絕學。爲萬世開太平。夫非吾儒之責。而誰責哉。

五洲高原平原比較物產說

地球高原。其最著於史籍者。亞洲。則有西藏。帕米爾。瀚海。波斯。亞拉比。亞。歐洲。則有奧斯馬。加日。斯。巴。尼。亞。南。美。洲。則有波。利。斐。亞。北。美。洲。則有美。國。大。高。原。及。墨。西。哥。非。洲。半。屬。高。原。澳。洲。高。原。最。少。而。西。藏。與。波。利。斐。亞。爲。最。高。西。藏。在。喜。馬。拉。與。崑。崙。二。山。之。間。面。積。一。百。四。十。四。萬。方。里。高。一。千。一。百。至。一。千。二。百。五。十。丈。波。利。斐。亞。在。安。第。斯。二。山。嶺。之。間。面。積。一。百。零。八。萬。方。里。高。一。千。二。百。至。一。千。三。百。丈。此。外。則。數。百。丈。高。而。已。高。原。土。壤。不。及。平。原。肥。沃。然。礦。產。特。多。以。五。洲。高。原。比。較。則。西。藏。帕。米。爾。奧。斯。馬。加。日。斯。巴。尼。亞。墨。西。哥。爲。上。波。利。斐。亞。美。利。堅。次。之。非。洲。澳。洲。東。西。二。方。又。次。之。以。其。均。近。熱。帶。也。瀚。海。則。近。寒。帶。波。斯。亞。拉。比。亞。雖。在。溫。帶。然。亦。不。及。焉。所。餘。之。陸。地。卽。爲。平。原。察。其。原。因。可。分。二。類。一。爲。泥。沙。淤。積。而。成。

乃江。河。自。山。下。流。含。帶。泥。沙。至。緩。流。之。處。漸。以。淤。積。如。中。國。本。部。之。平。原。滿。洲。之。平。原。印。度。斯。之。平。原。與。非。洲。臨。近。尼。羅。河。三。比。西。河。之。平。原。澳。洲。臨。近。末。雷。大。令。二。河。之。平。原。南。北。美。洲。臨。近。密。西。西。比。河。阿。瑪。森。河。拉。伯。拉。達。河。之。平。原。皆。是。也。二。爲。洋。海。所。成。乃。海。底。漸。漸。凸。起。高。過。水。面。噶。斯。卜。海。與。歐。洲。波。勒。的。海。周。圍。之。平。原。俄。羅。斯。西。比。利。亞。北。段。之。平。原。并。美。國。密。西。西。比。平。原。之。北。段。皆。是。也。大。抵。土。地。太。高。必。極。乾。如。沙。漠。河。水。不。能。浸。灌。近。洋。多。係。沙。土。亦。極。磽。薄。故。於。人。身。最。大。關。繫。惟。淤。積。泥。沙。地。爲。適。當。以。五。洲。平。原。比。較。惟。亞。洲。東。南。西。南。二。境。土。地。肥。美。節。候。中。和。農。產。饒。裕。能。生。長。五。穀。百。果。五。洲。無。有。出。其。右。者。

未完

五洲高原平原比較物產說 續第一百七十二册

其次。則。北。美。洲。中。南。二。境。之。大。平。原。在。二。山。帶。之。間。高。處。多。有。茂。林。中。境。與。南。境。所。產。之。麥。與。玉。米。約。有。世。界。所。產。三。分。之。一。棉。花。約。有。世。界。所。產。之。半。惟。北。境。磽。薄。不。產。一。物。卽。密。西。

西。比。河。北。段。平。原。之。地。也。南。美。洲。平。原。亦。在。二。山。帶。之。間。臨。近。阿。瑪。森。河。者。樹。林。翳。密。內。無。人。徑。材。實。充。物。或。爲。服。飾。或。供。染。料。臨。近。拉。伯。拉。達。河。者。壤。地。饒。沃。芻。草。蕃。茂。其。次。則。爲。非。洲。非。洲。平。原。本。無。寬。大。者。惟。撒。哈。拉。沙。漠。中。有。數。處。小。平。原。皆。爲。泥。沙。漲。積。而。成。而。依。近。尼。羅。河。之。地。最。爲。著。名。時。有。新。泥。淤。積。田。地。尤。美。生。長。百。穀。沃。茂。華。盛。又。次。則。澳。洲。臨。近。末。雷。大。令。兩。河。之。平。原。亦。淤。澱。所。致。並。豐。腴。可。耕。多。有。產。殖。又。次。則。歐。洲。奧。國。匈。牙。利。平。原。羅。馬。尼。平。原。丹。牛。波。河。所。灌。溉。風。土。溫。煖。故。物。產。亦。優。裕。德。意。志。北。部。大。平。原。地。頗。寒。冷。雖。獎。勵。農。業。然。尚。不。及。奧。地。之。煖。至。西。比。亞。平。原。半。皆。沙。積。其。北。冰。洋。相。近。處。地。勢。低。下。氣。候。凜。冽。有。所。謂。凍。土。帶。與。森。林。帶。者。凍。土。帶。爲。北。緯。六。十。五。度。以。北。之。地。半。年。冰。結。甚。深。一。物。不。能。生。長。至。乾。季。地。面。微。化。而。北。方。仍。有。堅。冰。堵。塞。河。水。不。能。通。流。入。洋。凡。淹。沒。者。皆。成。下。涇。

北 洋 官 報

二

第 一 百 七 十 四 册

之。地。僅。生。微。小。植。物。若。苔。蘚。之。屬。森。林。帶。包。括。北。緯。六。十。五。度。南。亘。於。五。十。五。度。喬。木。鬱。蒼。熊。虎。羣。集。夏。季。炎。燄。蚊。蚋。蔓。延。雖。在。猛。獸。亦。不。能。堪。焉。故。俄。羅。斯。全。國。平。原。雖。有。五。分。之。四。然。膏。腴。絕。少。其。亟。亟。營。遠。東。者。蓋。以。此。也。嗟。乎。我。中。國。二。十。一。行。省。及。西。藏。蒙。古。諸。地。土。壤。物。產。之。美。富。冠。冕。五。洲。而。燕。穢。不。治。轉。不。及。歐。美。各。國。之。富。是。誰。之。過。歟。願。以。質。之。比。較。國。事。者。

中國之礦。一日不開。四海之困窮。一日不轉。今人人知其利。而不能與其利者。謂有二難焉。一曰無人。一曰無款。然愚所慮者。非無人也。慮有人不爲我用耳。非無款也。慮有款不爲我集耳。中國自來開辦礦務。莫不首延洋人。以爲礦師。然後可與工作。如開徐州、利國、監之礦。則以西人巴爾爲師。開山東、平度州之礦。則以西人阿魯士威爲師。開熱河之礦。則以西人哲爾爲師。李文忠亦嘗禮聘英國大礦師沙克立查勘各礦。其成效最著者。如開平、漠河兩處。礦師亦皆以西人爲之。其所以必用西人者。以爲中國絕無精通礦學之人。凡辨山脈。辨石紋。辨草木。辨礦苗。鑽穴取子。泄水滅火。一一非西師不可也。然今代通人。固謂西國礦師之精者。聲價極重。不肯來華。其來者中下駟而已。故有謂開礦不必延西師者。既不用西師。則我中國可用之人。不得不亟思用之。華民自道光時。至南洋探礦。已不乏人。瀛環志略。記息力大山。金礦極盛。別有銓山產銓石。銓石卽金剛鑽。近年粵之嘉應州人。多入內山開礦。屯聚日多。遂成土著。初娶獠女爲婦。生齒漸繁。近已逾數萬人。世業相傳。必有精於礦學者。但其人既流入異籍。招之未必能來。至南洋新金山之雪梨埠。本打穩埠。湯市。威路埠。及大金山等處。華人之在其地。開採金錫者。尤多。無錫薛氏出使四國日記。載南洋石郎國之吉隴埠。卑力國之鱒力埠。華工探錫者。十餘萬。鱒律埠之三萬人。屬粵人。鄭泉者。三之二。此則華人之僑居外洋者。非息力大山之人可比。 未完

光緒二十三年六月循環報。英國新加坡巡撫麥氏。移任非俄呂高總督。見其處金產甚旺。土人採取未得其法。因憶南洋吉隴諸華人探錫甚精。函知吉隴甲必丹葉觀盛。託其代覓妥善之人。葉君選得精於探金者十八人。由麥公子絜之前往。以爲礦師。是西人之用華人。亦猶華人之重西人也。葉君所選已有十八人。其他之不在此數者。可知吉隴一埠。已得十八人。則求之南洋各島。更可知我有可用之材。聽外人用之。而我復借材於異地。可謂舍己而芸人矣。豈諸華人樂從事於俄呂高。不樂從事於故國乎。亦以中國無麥君其人耳。去年曾有諭旨。令各出使大臣。察訪華商子弟。通專門之學者。咨送回華。考試錄用。錫以科

北洋官報

一一

第一百八十一册

目。夫專門固莫若礦學。爲有用而寓洋華人之精。礦學者。又顯有其人。亟宜咨送。榮以科目。發往各省。與辦礦務。於礦山設立學堂。礦務畢而我之學生工匠及在事之人。皆已學成。且今之民智未開。西人勘礦。輒生疑懼。今一以中人爲之。則百姓亦必樂於從事。此用華人爲礦師之利也。至於籌款一節。國家既無此巨費。內地商人集股。亦頗不易。而南洋富商如葉觀盛鄭貴張沛霖陳金鐘李戴青諸人。皆擁積厚賞。赫赫在人耳目。以彼久居異國。非無惓懷桑梓之思。其不肯回華者。恐中國之人忌其富也。今宜請明賜詔書。令其挈資回國。有任辦礦務者。畀以實官。視其開某省之礦。卽以其人爲某省礦務司。用人行事。予以全權。局外不得攙越。鑛稅由督撫與之合勘酌定。諸商寓洋日久。於商務情形熟習。於外國礦路章程。亦必素明。用其長策。措置不至乖方。有礦官而中國之礦政大興。有鑛師而中國之礦學日進。不然曠宅不居。大寶棄地。幾何而不爲他人守也。

今吾輩之所希望於吾國者無非欲使吾國與歐美列強立於同等之地位而已。然此希望果何如而可達乎。政治界。生計界。實業界。繁博難言。吾姑就學界言之。學界之內科目繁多。吾姑就博物學科中之植物言之。夫東亞大陸處溫帶之下。大海擁其東南。大河橫其東西。其中植物種類當以兆計。其已經古人記載。今人傳述而為之名者不過千分之一。古人記之。而其實物吾不知焉。今人述之。而其學名吾不知焉。目所習見者吾勿能呼之。能呼之矣。吾亦僅能呼之。其種屬形態吾不能辨之。西國之植物字彙可以漢名注之者寥寥焉。近世之植物學理可以舊說證之者甚渺。英之人搜吾國之植物以為標本置於大學而吾無是日之人取吾本草諸書之名目以區別科屬而吾又不能他國人之所知者百倍於吾之。所自知者夫人之為人。賴物而生物。不過三而植物居其一。而吾於其物之生長如何。辨別如何。概付之茫然。由此觀之。吾國植物學中可謂黑闇已極。若吾輩欲將此黑闇者而光明之。則當有千百之植物學家散布各地。苦心搜討。聯合學會。羅致書器。廣費資財。延曠時日。始能勝任。如此盛舉。即使方今全國學者皆注力於此。猶恐不勝。以現在言黑闇如是。以未來言艱難如是。推而至於全學界。若政治。生計。實業。諸現狀。其黑闇與艱難殆有甚於此者。吾不知悠悠久無極之時。閒中有無可以副吾輩希望之一日。吾嘗設想。至是吾心急迫。悚懼不可言狀。吾輩同志或亦聞此言而具同情。雖然。急迫悚懼終亦無益。吾輩姑舍是而。以閒適快樂之情赴之。每當朝晚餘暇。散步林野。品綠評紅。逐部觀省。別有會心。又於庭園隙地。培藝模式植物數十種。各有特別之機。官吾日夕晤對。覺此種植物一一依照吾所已知之學理而行。為吾作證。又時時告吾以未知之事。如吾師吾友。雖一苔一藻一花一葉皆。

有極可賞析之處。轉覺彼愛戀芳香。低回吟詠者之未爲解人也。吾將以其流連宴賞之資。移而購置顯微鏡一具。能使吾目甚明。見他人所不能見之物。吾又購置解剖器械一副。能使吾手更靈敏。作精巧之工。以助吾目能將不透明之物質。窺見其內部。人謂吾研究學問也。吾應之謂吾玩物喪志也。吾亦應之。吾惟期日日得有新奇真確之理想。饜足吾心而已。植物界之廣莫。任吾徜徉於其間。可以饜足吾心者。正無際限。此書區區小冊。雖則提綱挈領。不過僅備模式。專家著作。煌煌巨觀。其所記述千百於是一涉。輒觀歎不置。不知此生有若干福。能讀若干冊植物書。願吾同志參酌之。今特藉此書以寄語諸君。

印刷局問答序

癸卯三月。孝謙奉大府命。觀博覽會於日本。因孝謙承乏書報各事。故于印刷考查特詳。凡旅居四十日。游觀工場。參考品類。獲交其印刷局長。得能氏年六十餘。蒼鬢健談。誠懇周至。知無不言。每舉一事。纖悉詳盡。必精必審。舌人口疲。記者腕脫。都百數十則。要領略具歸。而排比其辭。輯爲印刷局問答一書。餉我國人。取譬鼎鑪。匪敢塗說。乃綴詞於簡端。曰西人有言。何國用紙多寡。卽爲其國之文野。比例。差信然哉。初民結繩。中古削簡。當時紀載。便已足用。設在今日。則百度曠廢。跬步不可行。後之視今。猶今視昔。列邦文化。日進。朝薰夕蒸。使仍篤守故智。刻木雕版。則其迂緩。不適用。與結繩削簡無異。而影被所及。能使國民智識萎縮。治化否塞。誠哉其甚。要而可畏也。天下之事。莫患乎隨俗。遂隊以爲之。而莫知其所以然。此其害視不爲者。加甚焉。豈惟印刷。凡百之興作。盡如此矣。彼明治初葉。千緒萬縷。何嘗不借才於泰西。不三十年。科學具體。巍然足以自立。此由常識普及。灼然於輕重本末之際。知所用力。故克遂其志也。夫以我所鄙爲一工藝之末。而人國推功肇始。謂爲文明強富之原。豈不以東西萬派學術。藉以通郵上下。一心君民。特爲媒介。惟輪積水。肇端斯業。固有如是之廣遠宏。大者乎。嗟我邦人。憚於遠業。而忽於小物。惟憚也。故無進取之志。惟忽也。故無研究之功。坐此悠悠。迄居人下。得能氏於主賓酬答之頃。通原竟委。起於至纖。達乎典要。以分功專業。爲進學之本。以正己愛人。爲治事之術。以益國家利人民。爲建設之鵠。以謹交際守法。律爲因應之宜。公私井然。勤懇有加。富哉美乎。技也而進於道。已讀此書者。既宜知美術文。明增進發達之次第。益以見藝事雖微。不有其精神。願望以立乎。其先則亦罔所附麗。以底於成。功長國家者。不可不辨之審也。

北洋學報總叙

北洋官報既印行之明年。帙及二百。思所以恢擴精進。補助於邦之人者。考詢涉時。衆議畢。諸乃決於方春之元。增輯學報爲綱。二曰質曰文。爲目。二十有奇。通愚納新。用饋來學。於是承事者進而言曰。位於積弱之下。丁乎羣雄之會。號爲憂世識時務者。日唱可驚怖之言。媿罵之辭。早夜聒於其羣。若是者。今代才士之所與也。此無論其說之未甚平。理之未甚當。平矣。當矣。知其將死而卒不能生之何貴。喋喋爲達者之論事也。不必尤悔其既往而務。勉於方來。不作無益之愁歎。而爭有形之切磋。故其抒一論。建一議。非苟爲口舌博辨。以警飾凡近。將使國之人用吾言。循塗術。以往。愚必明。柔必強。人人可自樹立。如是則言者不虛發。聞者不虛聽。而枝辭侈義。庶乎免矣。學報之謂所以懲空言之無足存。而進以質實。明示軌轍也。蓋嘗思之。古之爲學。約今之爲學。曠古之爲學。將以勵德業。優游漸漬。以待其熟。而常有愴然自得之樂。今之爲學。將以救滅亡。急起直追。并力而營。若旅客戴星而行於廣漠之野。皇皇乎惟虎狼盜賊是懼。夫所業繁則畏難之心。生責效急則時患不及事。而世勢之迫促。詭變又恒足使學人中道墮棄。故壯歲以往。不復能率學塾之命令。人事牽役之既久。開卷而讀。或不能終篇。學報之爲用。匪直後生小儒。披導有序。即腐心瘁神。勞苦之士。庶司百職。煩劇之地。必不能盡日無暇。及是時。手一編而觀之。爲幅隘。則易讀。而不厭爲類錯。則心目屢接異境。而不疲更歷歲月。百科之崖。略咸可以窺見。大凡常識。既具。擇所篤嗜者。而精焉。其諸異乎。驚怖其辭。而媿罵人者。歟。嗟乎。立國於今之世。未有其民無特異之質。獨至之。行而足以上人者。也。即未有不盪滌其陋。不增益其美。而長此幸免者也。吾起視吾民。其去高尚至善之程。何遠乎。毋亦斂其氣。潛其力。厚積所恃。以徐俟其功之爲愈矣。綴述咫聞。日

就月將。挹精而遺粗。證往以知來。理立於至當。說求其最新。責望所屬。不敢不勉。鴻駿君子。儻無譏焉。

議皆有憂時嫉俗之言。臨事則不問約章而媚教自保。反其道者。又或昧交涉之公理。與因應之權。宜倖一己且暮之名。貽大局無窮之禍。方今朝旨敦切。責以保教。教亦民也。保民乃所以保教也。且保非偏私之謂。乃持平之謂。又非守正不能持平也。未完

語官二

一曰。興利直隸歲攤賠款一百八十萬兩。而值此大亂甫平。瘡痍未補。流亡未復。既撫綏之。無術仍不能不取給於民。即使國恩素厚。不虞民志之有他。而但問吾民之力能爲繼否也。守土之心能卽安否也。計維有與民開衣食之源。而有土卽可有財。足民乃可足國。方今財政在工商。牧令力所能及。雖在於農。亦不能不與工商相涉。冀野宜桑。不植設局。經理收效。尙紆省垣之農學堂。口外之屯墾局。亦均緩不濟急。惟當卽現有之物。彥擇其可以行者。以引伸而經理之。以徐圖進步。改良庶其可乎。瀛鄭以東。至於渤海九河之故。厥土白墳。苦草紅荊。性能殺。鹹上坵。苦旱。李文貞之井。濬舊掘新。以多爲利。太行恒山東俯趙魏之野。自元以後。桑易爲棉。女紅之利。奪於洋布。機廠之設。正定爲宜。循畿而南。怡王水田多有存者。推而廣之。芍坡金圩其利亦溥。神京北走。漁陽上谷地多磽确。牧畜滿山。氈裘被野。工商於焉取資。棗栗之饒。自燕以東。傳於海。貨殖一傳。語焉不詳。薊永水利。平地出泉。自徐貞明建議以來。惟戚元敬小試。其端廢而無舉。母亦民之戚。而學士大夫之恥耶。果則蘋婆葡萄梨柿之屬。彌山盈野。西人酒醴之資。視爲天府。夫自淺俗言之。動謂中國無利。自識者觀之。則遺利甚鉅也。一曰。除害之鉅者在內。爲差役。在外。爲盜賊。民害未除。利雖百無益也。

直隸百四十州縣。大小會其通。每州縣正役白役。當不止百人。即以百人計之。是常有萬四千虎狼散佈於畿甸。民何以堪。然則此曹能去乎。去之則略一轉移。即強半委於盜賊。此曹亦人也。唐之庸役。宋之僱役。能復行乎。時有所不可也。雖然。爲治之道。去秦去甚。此曹雖曰可誅。亦祇能懲其尤無狀者。以資悚動。限之以額。以卒伍之法。部勒之。漸次而汰。有缺勿補。及額而止焉。官私之力。足以贍其身。而一束之以軍法。其可也。盜賊則近畿州縣。幾無處不有。而省南之劫賊。永平之刀匪。爲尤甚。治盜本州縣之事。而其力不足以制盜。則加以各屬防營。天津捕勇。而盜不衰熄焉。顧諺有之。明眼馬快。盲眼兵隊。則制盜賊之死命者。仍在州縣。州縣仍責之捕役。特無如庸吏不能治盜。州縣捕役有活班死班之別。盜多之處。皆活班之處。捕役於官。則玩弄之。傀儡也。於盜。則衣食之。父母也。傀儡無滄靈之望。父母無反噬之理。巧吏雖不肯治盜。其居心積慮。無一事求利於民。亦無一事不求悅於民。悅民不已。並盜賊而亦悅之。至於罔圖感德。敷澤頌恩。盜賊固默相體。會不爲其甚。以保此恩。官民雖痛苦難堪。而愚蒙無知。亦諒官之偏於仁慈。而不生其怨。謗此輩居官。又無顯疵。可指。遂奉以好人之名。夫好人者。卽鄉愿也。鄉愿而不官。則德之賊也。鄉愿而官。則民之賊也。夫與利除害。本有司當盡之職。亦課吏者必當及之事。惟居心立品。全視乎各人之本性所存。官乎官乎。謂非人心生死之界。與生民福禍之關也乎。

學商之所萃。附商學工之所萃。附工藝學礦之所萃。附礦務學開其混蒙。予以智慧。此目前之計也。樂利所在。羣情所歸。此繼事之計也。地無廢利。世無廢人。人無廢事。此經久之計也。有梗吾化者。吾治之。有向吾化者。吾誘之。有助成吾化者。吾優禮之。朝而諮焉。夕而思焉。民生庶其有賴乎。凡今之政。多有創舉。果其建不拔之基。垂永久之業。數世而後。尚且思而溯之。曰。某事自某人始。將以垂頌聲於不朽。延美譽於無窮。詎不懿歟。况乎陳力之效。既彰懋功之典。斯在民望之所歸。國恩之所被也。亦安見官之果不可做耶。竊嘗謂學也。考爲己之事也。後之人有誤以爲爲人者矣。官也。考爲人之事也。後之人有誤以爲爲己者矣。蓋必學問之途。既端而後。官乃可得而澄。紋也。吾願與凡百君子共勉之而已。

語官二

官分三等。有治事之官。有治官之官。有治民之官。立國以民爲本。治民之官。自不得不重。然古則待之重。而事易。今則待之輕。而事難。夫所謂治民之官者。牧令也。牧令。卽漢之令長。唐之畿赤。六等總之。皆令也。古則三老。晉夫。後亦丞簿尉之各舉其事。令不過舉其大綱。今則鄉官不設。丞簿尉名存而實亡。凡百以令兼之。漢以名德辟舉。或以郎官出宰。唐進士試吏部。得官不過簿尉。非舉才堪縣令。不以授。今則沿南宋之故。卽以進士爲令。且視無人不可爲令焉者。待之既輕。又責之以難勝之事。則以今日吏治之不修。而委過於牧令。夫牧令原不能專任其過也。雖然。國家命脈繫乎民生。民生休戚繫乎吏治。則欲振將來之國勢。而不飭今日之吏治。是南行而北轆。吾未見其能達也。且欲吏事之修舉。又非謂立科條嚴約束。期會於簿書。馳驟於法令。已也。今試問百僚策名之始。如所謂笑罵由人。好官自我。而甘居污下者。又有幾人。惟是聲利之煽。烈於爐火。入乎其中。不覺自化。久則自命之真。漸忘本。

來甚則取平生唾罵之事而亦屑爲之。無論嚴酷者。羅顯辟陰刻者。干隱譴。卽能善全名位。無咎無譽。白璧不爲庸庸厚福。亦程子之所謂虛生。莊生之所謂心死者也。必悚以儒先克治之誓。存其牲亡未盡之氣。先將本心醫活。然後吏事始可以次而言。一日潔已。潔已非必如古之脫粟飲水。生塵生魚爲獨至之行也。國家制祿。沿元明之舊。每多取給於規。平心

北洋官報

三

論之士大夫。一沾祿賜。卽有孟子之所識窮乏。晏大夫之三族。范文正之所謂宗祠墓田者。斷非區區廉俸所能贍。然上既以此體居官之情。居民上者。卽當思上之所。以體我者而下體吾民。縱不能如陸涇獻之大減耗。羨而私加陋規。則斷乎其不可。識者嘗謂加陋規甚於受賄賂。蓋賄賂祇取一家。陋規則害及一路。賄賂不過一次。陋規則遂爲地方附骨之疽。又其甚者。則爲鬻差。崇徵卯規。賣書差。額缺。揀尺寸之柄。惟利是圖。巧取豪奪。何求不遂。獨不思時勢至此。民困至此。而顧剝民以日潤也。今天下。譬若漏舟。衆人補之。汲汲猶懼。不濟一人壞之。必至於全舟皆沒。曰古神州。陸沈士大夫。以貨財自累其身。自累其家族者。比比是也。可勿畏哉。一曰守正。以一牧令之官。而總制兩司及本道府監乎其上。必事事盡求合乎上台之意旨。豈不甚難。惟有守正。蓋地方之利病。民情之幽隱。惟牧令知之最深。上台本無與人爲難之心。所辨詰者。不過以公牘爲據。苟據事理以求至當。上台之虛公者。自不難舍已以從。卽至抵牾不合。而得失在一身。是非在天下。所獲不更多乎。際此多事之秋。民教屢闕。剛戾既致。顯憂遷就。愈滋隱禍。夫傳教約章。本無偏重。教案據條約以爲衡。何難伸明公理。乃不從令而從意。以爲上台意在無事。而藉以自享其無事之福。民情之怨懟。概付之不見不聞。致使姦民得藉之以生事。以成庚子之亂。今則教焰愈張。民病亦愈甚。牧令羣居私

語官

大臣知憂國。小臣知愛民。而天下治矣。大臣之憂國。非不愛民也。然大臣有謀國之責。則以憂國為重。兵不可不强也。餉不可不足也。學校不可不立也。巡警不可不設也。凡內治之所。以脩外交之所。以固事體。重大名目繁多。每議一事。必籌一款。如託為憂民之說。則試問。今

北洋官報

日之勢。果可以因陋就簡。與民休息。遂可以粗安無事乎。國之不安。民何以有其安。國之不固。民何以有其固。故大臣之憂國。即所以愛民也。小臣之愛民。非不憂國也。然小臣有親民之責。則以愛民為重。吏胥之毋擾也。徭役之毋煩也。訟獄之日息也。盜賊之不作也。凡風氣之何以開。文明之何以進。實其倉廩。使知禮節。作其孝弟。使親長上。欲用其力。必惜其財。如託為憂國之說。則試問。今日之勢。果可日消月。賸取盈於下。而使之民不聊生乎。民之不富。國孰與為富。民之不強。國孰與為強。故小臣之愛民。即所以憂國也。今國家財力絀矣。民力亦竭矣。而獨為官者。尚欲肥其身。家潤其戚族。飽其僮僕。快意自足。而不以國計民生為念。不獨不可有是心也。亦安有是理哉。當其百度振興之際。既不能不需夫財。又不欲盡取於民。則惟有嚴別中飽。為理財第一要義。前者奏請裁去陋規。酌與公費。既已奉旨準行。庶可化私為公矣。抑又思吏之中飽。較官之中飽。其弊為尤甚也。裁之汰之。取足以治公而已。多一吏是多一狼也。門內之役。較之門外之役。其弊為尤甚也。裁之汰之。取足以給使而已。多一僕是多一虎也。此皆下蠹民而上蠹國者也。大蠹既除。而後國用可經。而民力可節也。漏狹之士。薰于利欲。每相對咨嗟。以為某肥缺也。今則瘠矣。某腴區也。今則瘠矣。

遂搖首而道曰。如今官做不得。抑思盛衰有時。凡物皆然。奚獨於官而不然。容可使官不必長。爲太平之官。不可使民不長。爲太平之民。且土當窮時。教授於鄉者。有之。寄食於幕者。有之。月所入。不過數金。多亦歲百金止耳。一家十指。俯仰有餘。一涉仕途。月所入。逾於其歲。而終日蹙額。作慄然不足之色。抑亦有祿不期修。而不能自節者乎。憂國之臣。有毀其家以紓國難者矣。愛民之官。有出私財以濟民貧者矣。今縱不能概以相責。而但於勉以潔已奉公。此尋常分內事耳。爲大臣者。卽不受其屬一魚之饋。爲小臣者。卽但飲民間一杯水。以云有守。則可矣。以云有爲。則未也。大臣之憂國。莫要於化無用之人。爲有用之人。小臣之愛民。莫要於變無益之事。爲有益之事。何言乎化無用之人。爲有用之人也。將不知兵官不習律。士不通古今。逢中外民不能辨土宜。飭材用。此其弊由來舊矣。破數千年之錮習。創宏規。達茂矩。而總括之於學。剖之以數。而發其秘。研之以器。而練其技。廣之以文。而拓其見。闡漸之以習。而期其變化。拔其俊茂。期以速成。此終歲之計也。計時稽業。循序致精。此十年之計也。化民成俗。治功永享。此百年之計也。有能益我者。吾崇事之。有能勸我者。吾汲引之。有能殫心畢力而著成功者。吾薦達之。朝而誥焉。夕而思焉。國是庶其有裨乎。何言乎變無益之用。爲有益之事也。黃冠緇流。依祠而居。傍佛而食。各鄉之廟地。何益耶。村童冬學。師不習經。徒不識字。各鄉之義塾。何益耶。族而食。一日之饜。百家之賦。各鄉之祭田。何益耶。斥鹵之地。變爲膏腴。沙灘之田。淤爲沃壤。旱戶私墾。土豪朝占。徒滋獄訟。種累不休。各處之私產。何益耶。清查其數。嚴核其戶。延其賢紳。與其世族。收其所入。以爲息利。獨立爲學堂。農之所萃。附農

驅斯民而納之軌物之中者曰國。法執法以馭民而推行盡利者曰主權。羣一國之民受治於一國之法。整齊畫一有犯必懲而民曉然於憲典之不可玩相率而勉爲良善若是者其國治。反是者亂。來萬國之民受治於一國之法。民有殊籍法無異施他國之民聽有司之約束而不敢以客凌主。已國之民仰朝廷之威信而不敢以下慢上。若是者其國治。反是者亂。今歲四月葡人某刃斃華民沈福生於上海美租界。獄具葡領事請械送澳門治罪。中葡條約第四十八款。大西洋國人如有欺凌擾害大清國人者。亦由大清國官知照大西洋國領事官。按大西洋國律例懲辦。既以治外法權授之於人。吾今者烏能與爭。然不能爭之於今。要不可不爭之於後。吾竊聞論茲事者之言矣。或曰外國人殺人無罪。或曰外國人殺他國人有罪。殺中國人無罪。或曰殺人誠有罪。特彼袒其民故令遠適。以冀掩飾耳目。葡號望國詎肯爲是。都市之民習聞中西刑律之異。與夫治外法權之說。猶不免妄相揣測。騰播蜚語。他日者舟車大通。洞開門戶。異邦人士足跡徧內地。設遇是事。民有不疑官吏之袒洋抑華者乎。條約所許而以爲故出其罪。國際所限而以爲不敢加刑。因疑成忌。因忌成忿。一二趨悍武俠之士必有仗義執言。鋌而走險。以自快其報復者。狡黠之輩窺見癡結。或寄名洋行。或竄身客館。倚恃彼族欺壓同類。既已得罪欲加之罰。視齊民爲難。甚或投鼠忌器。不敢追詰。由乎前則已國之法不能治己國之民。由乎後則己國之民且藉他國之勢以撓己國之法。主權不張。羣治淆舛。安有大亂者耶。弭亂之道不外兩途。責成地方官吏。遇有華洋交涉之案。謹守條約。派員觀審。彼國按律定擬。我即張示曉諭。登報布告。暴其罪狀。以稍平吾民之氣。是謂治標。進而治其本。則恪遵客歲三月初六日。上諭。速改刑律。舉所謂反乎文明者。悉芟夷之行。以精神而不徒襲其形迹。數年而後成效昭著。即援日本改定條約之例。商諸列國。收回治外法權。其庶幾不終拒我乎。非然者。交通日繁。旅民日雜。吾國主權愈屈。愈夾。民心之鬱背。吾正不知如何矣。

論直隸農工商業之現狀

畿疆東面海西負山北接荒漠南帶濁黃面積三十餘萬方里其間砂磧不毛鹹鹵榛莽之地行一日之程常二三見時或山水暴漲西高東下百河填溢北淀南泊彌望沮洳水涸則肥瘠易位某某之田不可辨識黃蘆苦草未易爬除直隸一省蓋中國之礪區也然自元明作都茲土國朝因之重沐列聖軫恤之恩輕賦減徭涵育滋乳二百餘年之久戶口增至二千餘萬之多富庶之效炊烟樹影續連輒數百里不絕生齒不可謂不繁也而地利未闢時有人滿之慮嘗潛察乎風土人情以為直隸農工商之業各有特具之專長惜乎無開導之鼓舞之者耳今姑就其大略論列之若西山煤炭之利牧畜之利內地棗果梨柿之利烟靛之利運售京都保定天津各巨埠不下數百萬金而棉花菓子麥子三種銷路尤廣計中歲所收售價亦千萬金民間沙地不宜他稼者因種菓子之故多成沃壤近來稍識蠶桑之利種植有效出絲漸多者已十餘州縣此農業之稍進者也京東數縣之造酒順德府張家口之製皮順天屬內之草帽綆內地各處之棉布磁州之缸磁皆運銷較遠有名於時者也至於饒陽之綢安平之羅易州之絹邢台之縐製造均佳苦無進步而各地棉布之利又因洋紗而銳減大概天津出口生貨多而熟貨少若以直省人民樸勤聰巧之資再能加意工業集合巨資於煤產盛旺鐵路大通之地興立紡紗織布織絨榨油磨麵各廠就地土貨製生輸熟而以至近之東三省蒙古各部為銷場商業不患不大盛惜乎直隸工業有可興之機特今日尚無進境之望耳直隸皇居所在富麗甲天下奇珍環貨四方醫至士民羨之往往以生計不裕慨然辭家踔數千里窮山海之與走南北通衢經商謀利至咸同之際天

北洋官報

二

津為華洋通區人益習於商術故畿輔豪商大買起家者往往而是而喜營業擅專技深州冀州之人為最盛冀州土地瘠薄豪民無所戀喜遠遊異地藉微末資易積成富商南宮土地稍腴城治為西南貨商

之。漚敏幹者。憚於遠出。多立業於其中。異州操母財之家。不肯多購田產。每覓商夥。列肆市衢。爲坐買。南宮操母財者。則多置田產。而用其餘。假於商家。坐收子息。要之莫深。所屬之各縣。與保定所屬之束鹿。爲直隸商家最衆之區。若京都天津保定及各鎮營商於本地。不計也。故深冀州百戶之村。往往父詔其子。兄勉其弟。朋戚呼招。不辭艱遠。歲出謀生計者。常數十百人。其始蓋亦不得不然之勢。不謂馴致今日之盛也。然歎觀其植基立事之克成。厥有數端。曰重信。尙氣。得母財家之倚任。曰好義。能施。占市埠內之高。等曰計慮穩慎。少冒險之蹉跌。曰夥侶團和。絕他人之欺虐。然近日亦有數短。曰漸習浮華也。曰不求進益也。曰不知集子財爲母財也。曰不能聯衆股成巨業也。然亦無開導之鼓舞之者耳。望之商民。自爲無如。智不開力不贍也。此商業之現狀也。凡直隸農工商業之可言者。如此。畿輔人民。大抵能耐艱苦。習於勤勞。樸實任重。事求有成。惟近五六十年以來。中國門戶洞啓。直隸地接一帝京。而風氣之閉塞。反甚。蓋亦質重任氣之習。使然。故農工商業之進步。無能日新而月異也。大概農工商業之學。待士之學。進而後有所擴充。北省人士。沈沒於科舉之學。不暇講求實務。高尚者。又鄙棄之。今則稍稍殊勢矣。八股試帖。既不用。不啻奪其所深恃。而生計艱困者。不得不別有以營。故近日老學究家。竟館無地。回顧田園。爲子孫計。多欲考論農工商營謀商賈。此之時。苟有志切濟世。提倡風氣者。怵於各國競爭力爭存之故。莫不留心農工商業之改良。因爲聯成社會。贖資購置農工商學之書籍。報章。餉遺。同志。鼓動其精神。講解其方法。由是以振興學。興地利。祛積習。啓新知。未始非農工商業之大幸。而團力合羣。尤今日學士之義務也。歟。

說權上 權限

經營爭競之天下必首言權。權有有限者有無限者。畫疆而居分職而理計日而授截數而稽有限之權也。反乎是者靡津靡畔惟意所欲若河漢之無極人不及防已不得守無限之權也。

有限之權若隄堰無限之權若波濤有限之權若日輪無限之權若彗星無限之權若御風有有限之權若踏地有限之權若鐵軌行車無限之權若沙漠間路有限之權其界狹狹則專專生任任則萬事成無限之權其界廣廣則泛泛生棄棄則百度墮惟狹也其分嚴故文明人喜之而蠻野人不欲也惟廣也其誼侈故務外者好之而崇實者甚惡也。

恒人不知有限因不知有權權也者自限而生者也精而論之天下之權無無限者特視其人所處之智力境地以爲極耳境地之界人守之人不相讓我不得踰人我之際權必適平此屬於外智力之界我職之我力所及我權斯在無智無力雖在亦亡此屬於內內外相距相引乃隨其強弱文野而生一定之程度此謂固有之權而有限無限生焉故明者之任事也盡其智力所能辦而必不敢棄一毫以待人彌滿於權之量自範圍於限之中人見其權而不見其限昧者忘己之限貪人之權固有者失而屬於人者不能得以云無限誠可矣吾未見其有毫釐之權也。

今日之世界非強權之世界乎必實而後能強虛則否必公而後能強私則否限者充乎其內力以致於實極乎其外界以化爲公也然而同此權限其用之也又嘗有人我之別在我者惟滿其量而不逾焉斯可矣對於人者則又視當時之國度人格奚若設多數盡棄其權

則有權者。不得不擴張其限。以干涉之。而與外界相持。此誠世宙以來。不可免之階級。而奇英大傑。殉溺不反者。也要其時日。無論久暫。止成爲過渡之資格。其用權也。若子與氏所云。七八月之間。兩集而已。言權限之正義者。無所取焉。

說權中 權責

權之限。既定。則宜有責。權者。因負荷此責而立焉者也。權之始。義必先有責。而後有權。及乎末流。陵夷衰微。濫用其權。而漸忘其責。卒也責之誼不存。權亦無所附麗。若存若亡。則無怪乎日求張其權。而權終不可得有也。是謂齊末而不揣本。

恒人之言權也。以爲主施而不主受。此大誤也。所謂主施者。特受權以後之事耳。其必隨其權之鉅細輕重。而各有待經營待董理之事業。立乎其先。始擇是一人以畀之也。或爲公共之事。歟。則國羣授之。或爲私人之事。歟。則家族授之。朋友授之。法律道德之維繫。至精密矣。此人而既受之。固已明明任一切之擔荷也。夫如是。然後對於所事。而能曰有權。設無所受者。權且與彼不屬。將何所藉以施行之乎。是故握權之人。有債主焉。所事之責。是也。任事之界。有債庸焉。受權之人。是也。權小者。責亦小。其待治簡。其報最亦易。而升焉。權愈重。責愈鉅。稱職亦愈難。由是觀之。賢聖君子。不惟其權之喜。而惟其責之憂。許由務光。非徒以爲勞苦束縛而逃之。殆亦知己之不足任其責。而因不敢承其權。爾若伊尹。華盛頓。亦非徒以爲水深火熱而救之。殆自信己之必不虛其權。而始毅然負其責。爾

明乎此義。則凡有權之人。更有至要之一事。在焉。即欲膺如何之責。必先儲如何之才。以爲相當之豫備是也。夫是之謂權之保險。責與權俱來。而任權之人。不必卽爲盡責之人。此至

上易知則下親上上難知則下畏上說錄江報

荀子云。上易知。則下親。上難知。則下畏。上有味。故有味。哉。今夫強莫強於人心。而可以仁。結。可以義。動。可以德。化。可以誠。感。也。柔莫柔於人心。而不可以威。劫。不可以法。服。不可以勢。挾。不可以術。詐。也。上以真心待下。下亦以真心應之。心心相孚。而上下交親矣。上以疑心待下。下亦以疑心猜之。心心相疑。而上下交畏矣。親則愛。愛則合。合則定。畏則忌。忌則離。離則畔。其能親而定也。誘之以利。而不可從。懼之以力。而不可屈。盜賊不得而挾之。夷狄不得而用之。敵國不得而間之。上下之情。如膠投漆。牢不可破。若至於畏而畔。則盜賊夷狄敵國皆得借以為資。而下相率以背其上。國之不亡者。幾希矣。漢唐宋明之興也。起事之主。率皆開誠布公。以喻民心。民知其志。無他而皆樂奉。以為君。秦始皇隋文帝之得國。惟矜其智術。以馭天下。天下重足側目。口噤心慄。視其君若雷電鬼神之不可測。積畏成惡。積惡成仇。遂羣起為難。故秦隋之勢力雖足以愚黔首。而并吞宇宙。及其亡。可計日而待。水所以載舟。亦所以覆舟。下之於上。親則載之。畏則覆之。嗚呼。可不懼哉。雖然。下之親上也。非本能親也。必上先予以可親之道。然後親之。下之畏上也。非本有畏也。必先示以可畏之道。然後畏之。上易知。則下親。親無不安。上難知。則下畏。畏無不危。此其必然無疑者。夫承平無事之時。上下壅蔽。不通其情。且必底於亂亡。况當強敵環伺。君自君。官自官。民自民。上有心而下不喻。

北洋官報

二

第九十二

下有情而上不達。弗相親而相畏。一旦禍變猝起。將土崩瓦解。而不可收拾矣。危乎。悲夫。

危之道也。家族朋友之所授失則一私人之業立敗。國羣之所授失則一民族之氣不昌。夫一私人猶無患也。甲債而乙代之可也。若合國羣之人俱無有握公權擔宏責之品性。則明揚之術窮而誤謬之弊滋。放任之禍作。責既盡棄。權亦隨以漸滅。紛擾叢睦不可終日。人國而有如是之景象。則必有他族入而居之。代握其權。代擔其責。囂囂然自以爲應盡之務者。故夫權無物也。而可以授受。非持之手而贈送之也。味於責者。權去之明於責者。權歸之。權若有意識焉。彼朝乾乾而夕孳孳者。知腐心鞠躬於責而已。人則私議之曰。權在則然耳。孰知有立乎權之先者。而權第爲其奉行之具哉。

今世界有最高之權而不負毫釐之責者。惟立憲君主爲然。他無聞焉。然其所以能如此者。有多數之大臣代議士擔任之故也。吾願擁爵食祿以謀公益者。無侈赫赫之威而務竭。羣羣之思。其斯爲可與權者已。

說權下 權利

限既定。責既盡。而利生焉。人有恒言。多曰權利。權利者。權之收穫物也。其辭若相並。而其事實相因。無無利之權。亦無無權之利。自其淺義言之。則權爲功利。爲食。主何等之事。卽受何事之祿。若斯賓塞保種公例曰。民已成丁。功食必爲正比例是也。自其廣義言之。則權爲因利爲果。有如何之經營。始有如何之希望。若西人有言曰。汝之所須上帝無不可以畀汝者。但汝必出其相當之價值是也。

是故明強者之得權利。其公式有二焉。一曰權與利必歸於一人。未有甲握其權乙受其利者。二曰權與利必適如其量。未有行少數之權獲多數之利者。愚柔者之失權利。其劣性亦有二焉。一曰依賴心與第一公式相背。謬者也。二曰僥倖心與第二公式相違。反者也。

依賴心者其原因起於不自尊託庇宇下遂不惜以秉彝之權放棄割捨奉諸他人惟思竊餘利以自存活彼其初意出於畏懼者半出於偷惰者亦半以爲贈全權而沐微利殆可也夫孰知權之不存利將安附舉江海以畀人已乃無涓滴之餘潤乎是依賴心者直暴棄而已自尊者不爭利而爭權權之所在不以假人則奮迅之機發飛騰之志起不言利而大利可永保矣若夫僥倖心是純然畏難苟安所醜而成也人必先有僥倖心而終乃不免於依賴吾所謂少數之權冀獲多數之利者猶僥倖之屬於理想者耳違其實行則權之界愈縮利之欲愈熾漸思不事其權專食其利遂一變而成依賴之局故亡失權利之人不亡於拱手受奪之時而亡於此僥倖心起念之時子輿氏曰人必自侮而後人侮之國必自伐而後人伐之言無權之人與國失其自衛之利則冥焉相隨而盡爾

立國於今世界其善用權者譬諸地球人人保其權即人人享其利者天賦人權之說主之若地之循軸自轉以成晝夜然人人不自有其權而人人愈能擴其利者中央集權之說主之若地之繞日公轉以成四時然似萬殊而實一貫似相反而實相成美矣盛乎權之能事畢矣然必自人人能自保其權始且必自人人自定其限自盡其責始操則存舍則亡有國家者其念之哉

自由辨

自由何說也。其知者曰：對於奴隸之謂。能獨立之謂。不受壓迫之謂。自信力之謂。有界之謂。此一義也。其不知者曰：利己之謂。惟我所欲爲之謂。橫行之謂。無忌憚之謂。此一義也。道一也。仁者見之謂之仁。知者見之謂之知。水火一也。或瓢飲釜熟以養其生。或滅頂爛額以賊其軀。自由一也。或由前之說而爲天民大人。或由後之說而爲亂臣賊子。然而水火之性。不任恩怨。自由之義。不居功罪者。是其生質既定。名詞初立之時。固已含有生死禍福之兩途。聽人之自擇也。夫自其外焉。觀之歐美之民。毀齒而學。國家干涉之游惰。勿許也。及歲而兵。國家使令之免避。無術也。其居食行動交際財產之事。至纖至悉。莫不服從於主治法律之下。可謂不自由矣。然其民欣欣然皆有自得之色。掉臂游行。若履康衢。中國之民。一反其所爲。都會之大隘巷之細苟。無惡於官吏。雖禦人作姦。無不可行。其意者。至於飲食日用一無所問。可謂自由矣。然其民蠢蠢然。若不可終日。若是乎自由果非也。抑吾國之熙熙攘攘者。舉不足以與於斯耶。吾嘗窺行星矣。晝夜不息。如環無端。莫或尼之。自由之極也。然其距離之率。循一定之躔度。而不然者。則有陵歷鬪食之災。吾又嘗考汽機矣。洪纖相銜。動靜自如。山止靈運。惟所欲適。自由之極也。然其作息遲速。有不易之軌物。而不然者。則見傾危覆裂。

之禍。吾思之。吾重思之。歌美人之自由也。是以國民爲行星。而以國家爲太陽也。是以國民爲機輪。而以國家爲蒸釜也。猶乎有機之說也。云爾。故能收斂才雄。梟桀之氣。一納諸道德之域。夫有所忍於細。必有所成於大。有所屈於己。必有所伸於人。有所謹守於內。族必有所。

橫肆於外。羣蹄藉六洲。此其本根也。不深考其性質。而貿貿然曰自由。自由亦速其陵歷。覆裂而已。烏足以語自由。今吾國少年自由之聲。洋洋乎盈耳矣。不知自治爲何義。而敢越乎禮法。不知公德爲何事。而先喪其倫紀。盧蒙斯赫之學。未涉其藩籬。文周孔孟之書。相嗤爲朽腐。羊質虎皮。亂天下之妄人耳。以此罪自由。自由不任受也。大抵天下至美之物。多有一近似者。以亂其真。必盡滅其近似者。而後真者乃出。滅之云者。非執而真於理也。我研究其真者之體段焉。我鍛鍊其真者之精神焉。我提倡此精神體段以爲之教育焉。擇善固執。而奉以爲正鵠。則民德日進。僞以滋滅。而一二焉。而什伯焉。而千萬焉。未爲甚難也。若不務其實。斷斷爭勝於齒牙。惡聲之報也。指顧矣。而是非終末。由大白於天下。此則非善者之志也。

民權平議

嗚呼。歐洲近百年來。福祿特爾蒙。德斯鳩之所誦述。盧梭陸克之所詠歎。萬流同聲。如海如潮。孰不曰民權哉。民權哉。夫以域外可珍之名。列雄傑著之績。西方美人警咳之響。烈我國少年。瞻傍之秦斗承學之士。宜共護持。復何有於播屑焦筆。建一先生之是非。以召毀樹敵於時賢乎。雖然。吾惡吾國之言民權者。惡之奈何。曰。惡其名也。惡其名之足以禍天下。並其實之美。而亦亡之也。吾嘗誦習詩書。孔孟氏之言矣。曰。媚於庶人。曰。民情大可見。小人難保。曰。有人此有土。曰。民爲貴。凡此諸義。皆我古哲先聖之精神。歷二千年。光景爛然。常者中天者也。此之不求沾丐他氏之餘瀝。盛氣博辯。以自矜。尙何耶。或曰。子於已國之說。則右之於西哲之說。則屏之入主。出奴。果在外非由內也。曰。不然。子亦嘗考西國近世史策。以與我國一證其同異焉。否乎。當彼所謂十六十七世紀之閒。英則軒利八世。縱豪侈。以恣蹂躪。法則路易十四。逞驕盈。而肆苛虐。食苦之氓。重足苟活。不辜之囚。連頭受戮。仍葉加厲。每下愈況。列國尤效。競爲民賊。瓦解魚爛。不可復完。至於土焦。壓路。易十。六之朝。而放流篡殺。遂以不免。此何如之景象乎。彼諸賢者。生丁慘酷之會。而無呼天之路。空懷弔伐之願。而有偕亡之痛。公義所激。風起泉涌。單辭講演。則羣喙雷動。片簡流布。則千夫敝舌。浸淫漸漬。釐然有當於人。人如飢得飽。卒能摧廓清。陷爲今日歐洲文明新世界之根源。誠因時制宜。言不虛立。故能收效如此也。四序之理。成功者退。急進不已。流弊漸生。諸家論斷。不少訾議。今世紀來。歐士之言政學者。由民約而唱強權。由強權而建帝國。其說愈新。其理愈密。其成就愈宏大。前賢復起。將畏後生。昔日天賦人權。語說遂無有過而問者。豈歐民好惡之非常哉。灼知此理之不能適用於今日。故決然舍去之云爾。夫由前之言民權之始。創也。如彼。由後之言民

權之代諫也如此沿流溯源差見崖略顧我中國漢唐以降無甚暴之君有大純之民前王至聖之遺澤猶足以軌範人主其閒一姓與廢大抵姦回弄枋人滿食耗使然元龍之悔史不多見故雖五德代嬗迄未有合齊民羣力爲南巢牧野之事者此在前代業與歐洲大異我朝 世宗 純廟之時海宇雍雍登春臺而忘帝力 賢聖六七繼事述志雖臣非蹇蹇而君皆恭已膏澤淪浹忠愛弗渝風不激則不鳴水不搏則不躍民之性善固如此矣至於近數十年外侮凌偪日蹙百里辛有伊川之歎衛玠神州之恨正以國維孱弱使蒼生赤子愁苦 九重宵旰天顏有燮爲臣子者方當羣策羣力翊贊 乾斷振陽剛之威興作民氣與彼太蒙驕子爭存競智於元黃大陸之野豈宜述造謬悠之辭提倡無政府之說以自解其肌絡自戕其命脉哉此誠思之掉心言之痞口而先覺異等後生才士可爲回面自責幡然改圖者矣吾國中有治伯倫知理達爾文之學者乎竊欲與之戴元首鼓羣動循進化之公例集憲法之大成以新此豐鎬之舊邦也

論中國人對於世界之責任 節錄外交報

中國負山襟海。江河水帶。橫列其間。水草之蕃。金石之韞。動植物之滋。人生其間。家給人足。無窮。山涉海之勞也。文周孔孟之教。忠孝爲本。廉讓爲用。以忠信篤謹爲普通教育。無武健。嚴酷之習也。禮樂征伐。統於一王。立法行法司法之權。悉歸於上。蚩蚩之氓。死徙無出鄉。耕食饜飲。忘帝力於何有。無競種爭存之烈也。故積其土地之膏腴。宗教之忠厚。政治之統一。爲之民者。無不逸樂由逸樂而生怠惰。由怠惰而成悠忽。於是仰而見光俯而見土。妄自菲薄。以爲此眇眇之身。對乎古今。有野馬塵埃之速。對乎天下。卽泰山稊米之微。全種之進退存亡。上有天心。下有帝力。斷非己力之所能助。亦非己智之所能知。甲諉之乙。乙諉之丁。丁諉之丙。展轉相諉。遂無一人不待人而興。故其社會之狀。閉關之世。則如風之吹沙。一長一消。而總不出乎畔岸。開通之日。則如雪之見晷。無聲無臭而已。卽於消磨。試觀四千年列史之往事。再證以六十年來通商後之情形。事理昭然。不能諱也。嗟乎。非吾國人之妄自菲薄。何以至是。至於今日。以個人不自樹立之故。牽而及於全國。以全國不自樹立之故。牽而及於全洲。悉亞洲之土。舉黃種之人。將盡爲中國之個人。所累其權力。又何其大哉。

五洲居民。分爲三種。曰多雷利亞種。(卽黃紅櫻三色人)曰高加索種。(白人)曰尼格羅種。(黑人)多雷利亞種居亞洲南北美洲高加索種居歐洲尼格羅種居非洲三種之中。以高加索種爲最強。分三支。一曰閃彌斯族。一曰含彌斯族。一曰亞利安族。上古之世。閃彌斯族人攘非洲之黑人而建埃及國。含彌斯族人攘亞洲西之黃人而建巴比倫國。亞利安族人攘亞洲西南之黃人而建印度國波斯國。此爲白種人征服四鄰之始。未完

中古時。閃含二族。均併入亞利安族。亞族復分三支。一曰拉丁族。一曰撒遜族。一曰斯拉夫族。拉丁族大顯於希臘羅馬之世。普法戰後。暮景漸彰。撒遜種今日爲極盛時。亦漸覺日中則昃。惟斯拉夫族則乘其朝氣如火。然泉達令人莫測其所至。俄人其代表矣。拉丁族盛時其勢力已橫及於波斯印度埃及。跨有三洲。撒遜盛時其殖民地遂遍於非美亞三洲之大半。白種人勢力愈長。卽他種人勢力愈消。橫覽古今。盱衡大勢。其各種人與亡之秩序亦若一有法形。然倘此例而爲信。則斯拉夫族之盛時。全世界之他種人皆將有折而入於白種之勢。彼野心大欲以利用此時機者。殆自以爲天然之秩序使然耶。

觀乎今日。英人之經營中亞細亞。美索韓國。義州。法布滇。粵鐵路。日本之爲俄日協商。全世界間。一時颯羹沸。政府軍人。奔命不暇。求其宗旨。豈非欲破此隱然之秩序乎。雖然。吾以爲欲破壞此秩序者。惟中國人能之。而他不能也。何則。亞洲變法先進之國。首推日本。然其生齒版圖較之英俄相去遠甚。若無中國以爲其助。而與白人競爭。卽使暫勝。亦無以善其後。其他若韓國。若暹羅。若波斯。若阿富汗等。更可知矣。故無一而舉亞洲之地。卽使其一日本。日本僅足自保耳。中國形勝北優於南。有史以來。其證非一。據中國之形勢。俄若本其地勢之便利。奮其土馬之精強。東從韓以窺日本。西由杜爾給斯丹以出印度。天下事未可知也。惟我中國地大民衆。一旦奮然興起。橫亘其間。四圍黃種諸小國均有附麗。而亞細亞洲之勢定。亞洲之勢定。則歐洲亦定。歐洲定。則非美澳等洲亦無乎不定。萬國和平之說。其庶幾乎然。至問中國之何以興。則中國之病。由於個人無不自誘而來。卽中國之病。自以個人無不自治而愈。蓋今日中國之個人無不有世界之責者。也。而奈何。妄自菲薄哉。

○川督錫奏剿平犍爲縣拳亂情形摺

奏爲犍爲縣拳匪倡亂戕弁撲城四出毀擾立派防軍奮力攻擊殲滅搜捕地方悉就救平恭摺具陳仰祈 聖鑒事竊查神拳一教惑民最速往歲資陽等縣疊釀巨案蔓延廣遠逼近省垣用兵幾及一年爲禍甚烈奴才到任後飭屬常加查禁久未萌逞惟該教易習易散習則爲匪散則爲民婦孺又皆能之故難言永絕根株也加以游惰實繁奸黠者或以仇教爲名或以防變保家爲說符咒欺誘愚迷信恒欲藉端滋事恣其毒虐去年富順縣朝天寺等事若非迅雷弗及又將釀患匪輕奴才前曾將該團保等奏獎即以策勵後來十二月間署犍爲縣知縣李端榮訪知縣屬文家山有張老三等習拳馳往格殺並獲其兄張潮濛懲辦詎本年正月傳習愈盛聚黨多蓄謀滋大李端榮率勇查拿該匪事破情危分股突起初亦託名仇教繼以附近教堂均已防護無從窺犯遂指各場新辦小學堂爲洋學肆意打毀先將羅成場等處之學董師範生暨保正等殺害甚且屠戮家口復思奪取精利砲二月初四日乘靖川砲船道經縣屬石板溪登船殺擄該船衆寡不敵管駕史久預等並死其夥 右軍左營哨弁徐國楨楊占元率勇馳至與匪接仗多有擒斬該管管帶朱登五亦來奮剿並經差弁李清廷在牛心山將匪擊退

北洋官報

第六百五十八册

初六日該匪一從鎮江渡來者千餘人一從真武山來者數百人均撲犍爲縣城幸朱登五先到城督隊迎剿自朝至暮酣戰於城外鳳凰山稍却復聚適徐國楨等正從唐壩口勝匪而至夾擊愈力匪衆奔北是役也轟斃悍黨四百餘人斬馘數十生擒相若奪獲槍砲符錄旗幟等件此後餘衆竄踞鐵山龜頭寨等處又分擾榮縣之新橋場抄毀民教十餘家殺斃張三聞等先是奴才聞警明知小醜不難蕩滅但教堂林立教士沓來不早蕪平必滋他患復揀續備中軍統領柴作舟暨飭右軍統領樊溥霖分道並出期於速就殄除初八初十一十四等日樊溥霖殲匪於羅城鋪而所部朱登五仰攻龜頭寨等處匪以死拒皆能不避砲石奪險窮追柴作舟又督幫帶黃啓文等冒霧進攻掃盪鐵山生擒首匪王三出蔣冥山等由是山寨一無匪蹤四外搜捕專清餘孽伏查此次犍匪假妖妄以倡亂蠱稚魯以成衆打毀學堂等項戕殺弁童諸人並敢犯縣城抗據山寨凶燄一時頓熾猶幸赴機奮迅弁勇俱稱曉泉所成擒獲始股多黨悍疊次陣斬首要袁邦才胡國安三腦子王靈關張大木頭吳學富李老軍任裕隆並將擄獲之王子田蔣冥山妖僧高自明等訊明正法懲惡漸盡餘衆遂已畏懼潰散兼旬之內地方悉就救平教堂教士俱得保護無恙尙堪仰慰 宸廑所有尤爲出力各員弁自應優給獎叙以勵有功合無仰懇

天恩俯准將四川督標武進士朱登五免補守備本班以都司留川儘先補用五品軍功徐國楨儘先補用五品軍功楊占元楊萬福均免補把總以千總儘先補用營標左營右哨都司把總黃啓文等十員總以守備儘先補用以示鼓勵至署犍爲縣知縣李端燾失察境內拿獲滋事實難辭咎惟該員屢經拿辦又復會合防軍擒渠獲醜功過尙足相抵現仍責令將在逃匪黨再行弋獲多名以觀後效如涉玩泄卽行嚴參奴才又已剴切示諭並通飭各屬毋任拳教傳習認真防範俾遠邇共臻靜謐此次會同肅保員弁勇丁並被賊管駕史久預以及傷亡勇丁另行分別奏咨獎恤所有犍爲縣拳匪倡亂立派防軍嚴

滅搜剿地方已就敕平謹將剿辦情形恭摺馳陳伏乞

皇太后 皇上聖鑒訓示謹 奏奉 硃批朱登五等著照所請獎勵仍著嚴拿逸匪分別懲辦欽

此

直督袁奏籌撥練兵經費片

再欽奉 寄諭練兵處戶部奏各省應解練兵經費撥令按月勻攤報解開單呈覽一摺著各該督撫按照單開各節如數按期籌解原摺單均著抄給閱看將此各諭令知之等因欽此伏查常年練兵經費直隸奉派銀一百一十萬兩上年應籌之款計烟酒稅釐八十萬兩酌提中飽三十萬兩共一百一十萬兩業經如數籌足奏明分撥陸軍第一鎮餉銀四十萬兩籌還練兵處借銀七十萬兩如數動撥無存本年照案應籌銀一百一十萬兩內應撥歸陸軍第一鎮改爲第二鎮餉銀四十萬兩補還練兵處借款三十萬兩提還公債三十萬兩尙存十萬兩前經奏明留備撥補餉項不敷之用現在既經練兵處戶部奏准勻攤報解應即遵照辦理分作十個月按期解交練兵處銀一萬兩以清直隸應行籌解之款此外溢籌蘆網鹽價餘利內勻撥銀三十五萬兩銅元盈餘內勻撥銀四十萬兩永平鹽務餘利銀十五萬兩共又溢籌銀九十萬兩前於籌辦公債案內奏明指還公債未可更改致失大信至此項公債銀兩原係專備增練新軍經費之用本省溢籌各款名爲指還公債實則籌解練兵經費將來六年期滿公債清償之後每年騰出底款一百二十萬兩即可分期報解即此六年之內提還公債時仍應隨時奏咨並於年終解清數目如有餘款儘數撥解練兵處核收以清界限而符原案除分咨查照外謹附片陳明伏乞 聖鑒敕下練兵處戶部查照立案謹 奏奉 硃批練兵處戶部知道欽此

直督袁奏核估光緒三十一年分北洋海防經費請將協餉無著各款 飭部改撥摺

奏爲核估光緒三十一年分北洋海防經費請將協餉無著各款懇 恩飭部改撥以應要需恭摺仰祈 聖鑒事竊照北洋防費向係按年估撥光緒三十一年分應用各款照上年額支之數核計無甚增減仍須一百六十萬兩上下內各省關協餉應解銀九十三萬兩惟江海關洋稅及江西釐金五十六萬兩尙有把握其浙江關稅釐金銀二十四萬兩上年絲毫未解本年復經電商浙江撫臣量力籌濟輒以點金無術萬難兼顧爲辭則本年協餉仍不能報解分毫已無疑義山海關稅銀十三萬兩營口未經收回款亦無著本省應籌銀六十四萬餘兩按照上年核計僅收銀二十八萬餘兩值此地方彫敝之際更難竭澤而漁是年防餉所需一百六十萬兩可恃者僅止八十四萬餘兩二十九三十兩年虧短之項經臣設法騰挪移緩就急藉以彌縫而東挪則西缺仍不免顧此失彼之虞迄今懸欠藥費催償孔迫更何能再事通融本年防餉若照原案指撥則涸轍立見北洋局面勢將難支刻值海氛不靖籌辦中立北洋屏蔽 京師關係全局一切應辦各事宜隨時設施相機立應萬不能以有名無實之款抵此刻不容緩之需惟有仰懇 天恩飭下戶部將原撥各省關協餉九十三萬兩內江海關稅及江西釐金共

北洋官報

第六百七十册

銀五十六萬兩照舊指撥其浙江關稅釐金既准該撫臣電覆萬難兼顧斷無籌解之理山海關亦無款提解應請一併由部改撥的款以免貽誤大局幸甚至本省自籌不足之款仍由臣自行籌畫俾應急需除咨部查照外謹恭摺具陳伏乞

皇太后 皇上聖鑒訓示謹 奏奉 硃批戶部議奏欽此

○直督袁奏籌設北洋陸軍軍醫馬醫經理軍械各學堂摺

奏為籌設北洋陸軍軍醫馬醫經理軍械各學堂以備軍佐而備器使恭摺仰祈 聖鑒事竊查光緒

三十年練兵處兵部釐定陸軍衛生薪餉軍器各制一則曰急須考求各國衛生之術並備馬醫之選再則曰經理供給中國倘無此項專門人員宜參仿各國軍器愈出新我應擇其最新最利者以資戰備

等因業蒙 兪允頒行各省在案亟應欽遵辦理臣維軍政之不振多由軍學之不精軍學之不精實由科學之不講東西各國崇尚教育醫術器械皆設專科以專科之學問定軍佐之職司是以士飽馬騰

雖裏創昇傷而愈奮乘勝遠圖無糧絕彈盡之可憂萃萃人之絕技異能助國家以戰勝攻取兵力之盛非偶然也方今 朝廷講求武備通飭各省興學儲才不遺餘力惟學堂雖逐漸籌設大抵普通課程尚

少專門學業若非分途造就仍恐難語精深臣爰遵照新章酌西法謹於武備各學堂外區設專門各學堂曰軍醫學堂計挑取滿漢學生共一百四十名分班畢業分年授課以儲正副軍醫官軍醫長之選

曰馬醫學堂計挑取速成正課學生共一百名分班授學分期畢業以儲正副馬醫官馬醫長之選曰經理學堂計挑取速成學生共四十名按時畢業按月定課以儲正副軍需官軍需長之選曰軍械學堂計

挑取速成學員共四十名逐械研求逐件講解以儲正副軍械官軍械長之選如此因材施教為學擇人遲之數年明醫藥剖解之術勝蒐討軍實之任者當不乏人庶幾軍心有恃而愈固軍氣有備而愈揚未

事既調護籌畫之周詳臨敵自奔走馳驅之恐後此中外不易之理軍人制勝之基創始雖難臣所以不敢避難就易而竭力經營也至建造各學堂暨應用各經費已由臣督飭司道局所分別籌撥以濟要需

並核實彙案造報所有籌設北洋陸軍軍醫馬醫經理軍械各學堂緣由除咨練兵處兵部知道外謹恭摺具陳伏乞 皇上聖鑒訓示謹 奏奉 硃批練兵處戶部兵部知道欽此

直督袁奏正定府同知桐壽貪鄙無恥任性妄為請革職永不叙用片

再查民之吏莫甚貪汚值此固圍彫敝之秋地方各官宜如何潔己愛民勤求治理乃查該同知桐壽貪鄙無恥任性妄為疊向舖戶勒索規費借貸銀錢不遂其欲必圖洩忿當藉端敲詐復借端禁止當商不准收當以致激成罷市其餘如糧行油店肉舖錢業諸商類有多家經該員積

北洋官報

欠債項屢索不償有坐此而歇業者又因油店偶缺供應將該店商鎖責示威民怨沸騰異口同聲似此
行同無賴實屬有玷官箴相應請旨將該員桐壽即行革職永不叙用以昭炯戒所遺正堂暫同知
一缺直隸現有應補人員應請扣留外補謹附片具陳伏乞 聖鑒訓示謹 奏

等因奉 旨 欽此

奏 奉 聖 鑒 訓 示 謹 奏

護贛撫周奏遵照新章就贛省常備中前兩軍改練步隊一協釐定營制餉章摺

奏為遵 旨按照練兵處章程就贛省常備中前兩軍湊足人數改練步隊一協釐定營制餉章先將

籌議情形恭摺具陳仰祈 聖鑒事竊前准練兵處王大臣咨會同兵部具奏擬定營制餉章一摺又

會同兵部具奏營制初定請飭各省次第編練一摺均經奉 旨依議欽此等因仰見 朝廷經武

圖強實事求是之至意欽服莫名臣以諸生投筆從戎昔隨前湖南提督臣鮑超轉戰有年儻習兵事光

緒二十六年由江西吉南贛籌道保薦卓異引 見蒙 恩召對 垂詢練兵事宜當經遵

諭具摺詳陳仰沐 天恩採及芻蕘尤深感奮厥後由直隸藩司調任江西各省練兵新章亦嘗證以

見聞悉心考究上年叨承 恩命護理疆符攝事以來夙夜焦思而仰見強鄰環伺時勢日艱非籌餉

無以練兵非練兵無以強國不敢以暫時權豪稍存諉卸之心贛省雖處腹地而毘連閩粵襟帶江湖扼

險設防均關緊要溯查贛省兵制自經前撫臣李興銳奏明改設常備一軍續備四軍上年前督撫臣夏

皆復將中前兩軍悉改常備當經酌擬營制餉章奏明辦理在案嗣准練兵處頒發奏定新章按之贛省

現行章制多未符合亟應及此成軍未久諸事草創之時查照新章認真釐改以資整頓正在籌議間適

北洋官報

於本年正月二十一日欽奉 諭旨飭令各省督撫振刷精神將水陸各軍及武備學堂切實經理按

照練兵處奏定章程悉心教練以期養成勁旅餉不虛糜等因欽此 宵旰憂勤重申詰誡此誠臣子

感激圖報之秋也伏查練兵處定章期於通國兵隊練成一氣化散為整轉弱為強其制度周詳實為一

定不易之良法又查練兵處王大臣原奏內稱新定章制需餉較多原期事事核實人籌用固非一經

改革徒飾觀聽便可食厚餼號雄師等語細繹其情是此次新定章制但為通國兵隊定一格式第

練期於異日合格而後已凡各省改革之始自應先視本省兵力餉力切實籌辦始能收效

進之效查贛省常備中前兩軍每軍五營每營共計二百九十八員名現擬將中前兩軍改練為

六營計分二標合成一協以一標駐省城一標駐省外專心訓練冀成勁旅其馬步各營改練

俟隨後另行酌量裁改編設又查一協之制應設領官一員統轄全協責任甚重非資望素著通曉兵

者不能勝任贛省一時尙難其選應俟得人再行派委此外員弁各項均就現有人才及本省情形參考

新章酌量辦理此營制之暫宜變通者也又查奏定餉章較之昔日舊章均覺優異此時初經改陳自員弁以至目兵程度皆未及格遽加厚餉後難為繼所有員弁薪公以及官兵糧餉均應酌量核減俟教練有成或遇徵調再行照章議加此餉章之暫宜變通者即以上二端自就緒省目兵力餉力斟酌籌議其新章應設之員贛省士卒程度尙難合格姑暫從減以策其後事而整頓軍政則不敢務尙荷簡徒懷惜費之心亦不敢稍涉鋪張致蹈虛糜之弊總期得寸則寸得尺則尺先寬恭謹公待擴充以仰副 宸廑於萬一所有贛省遵照新章就常備兩軍濟足人數改練步隊一協事宜先營制餉章繕具清單恭呈 御覽其餘一切未盡事宜俟改練成軍後再行詳細奏報除分咨政務處練兵處兵部戶部查核外理合先將籌議緣由會同署兩江總督臣周馥合詞具 奏伏乞 皇太后 皇上聖鑒訓示謹 奏奉 硃批練兵處知道軍併發欽此 (軍續錄)

護贛撫周奏遵照新章就贛省常備中前兩軍改練步隊一協釐定營制餉章摺稿六百五十二册

謹將練兵處章程內一切營制餉章逐條開列並將贛省酌擬辦法分別註明繕具清單恭呈 御覽

一協之制 統領官一員月支薪水銀二百五十兩公費銀二百五十兩 查贛省現無勝任之人應

暫緩設 參軍官一員月支薪水銀八十兩 執事官一員月支薪水銀五十兩 二等書記官二員每

員月支薪水銀四十兩 司書生二名每名月支薪水銀十二兩 司號長一名月支薪水銀十六兩

弁目一名月支餉銀十兩五錢 馬弁六名每名月支餉銀八兩四錢 護目一名月支餉銀六兩 護

兵十名每名月支餉銀四兩五錢 伙夫二名每名月支餉銀三兩三錢 騎馬七匹每匹月支乾銀四

兩八錢 掌鑼繩繩銀二錢四分 以上一協統領以下員弁目兵因統領一時未設均暫緩設 一標

之制 統領官一員月支薪水銀二百兩公費銀二百兩 擬照設月支薪水銀一百二十兩公費銀一

百六十兩 教練官一員月支薪水銀一百兩 擬照設月支薪水銀六十兩 執事官一員月支薪水

銀五十兩 擬照設月支薪水銀三十兩 掌旗官一員月支薪水銀三十兩 擬照設月支薪水銀十

北洋官報

第六百五十三册

六兩 副軍需官一員月支薪水銀六十兩 擬照設月支薪水銀三十兩 副軍械官一員月支薪水銀六十兩 擬照設月支薪水銀三十兩 副軍醫官一員月支薪水銀六十兩 擬暫緩設 司號長

一員月支薪水銀十六兩 擬暫緩設 二等書記官二員每員月支薪水銀四十兩 擬設二等書記
官一員月支薪水銀二十四兩三等書記官一員月支薪水銀二十兩 司書生二名每名月支薪水銀
十二兩 擬照設每名月支薪水銀六兩 弁目一名月支餉銀十兩五錢 擬暫緩設 馬弁四名每
名月支餉銀八兩四錢 擬改設差弁四名每名月支餉銀七兩二錢 護目一名月支餉銀六兩 擬
暫緩設 護兵八名每名月支餉銀四兩五錢 擬照設每名月支餉銀四兩二錢 伙夫二名每名月
支餉銀三兩三錢 擬照設每名月支餉銀三兩三錢 騎馬五匹每匹月支乾銀四兩八錢 掌鑪韁
繩銀二錢四分 查步隊一標騎馬五匹係弁目馬弁各一匹現擬弁目緩設馬弁改差弁此項騎馬亦
緩設 以上每標擬設員弁目兵計二十四員名月支薪公餉銀五百七十一兩 一營之制 管帶官
一員月支薪水銀一百兩公費銀一百四十兩 擬照設月支薪水銀六十兩公費銀一百兩 督隊官
一員月支薪水銀五十兩 擬照設月支薪水銀三十兩 隊官四員每員月支薪水銀五十兩公費銀
十兩 擬照設每員月支薪水銀二十兩公費銀八兩 排長十二員每員月支薪水銀二十五兩 擬
照設每員月支薪水銀十五兩 司務長四員每員月支薪水銀二十兩 擬設二員每員月支薪水銀
十二兩 正目三十六名每名月支餉銀五兩一錢 擬照設每名月支餉銀四兩八錢 副目三十六
名每名月支餉銀四兩八錢 擬照設每名月支餉銀四兩五錢 正兵一百四十四名每名月支餉銀
四兩五錢 擬照設每名月支餉銀四兩二錢 副兵二百八十八名每名月支餉銀四兩二錢 擬照
設每名月支餉銀三兩九錢 軍需長一員月支薪水銀三十兩 擬照設月支薪水銀二十兩 軍醫
長一員月支薪水銀四十兩 擬暫緩設 醫生一名月支薪水銀二十四兩 擬照設月支薪水銀十
六兩 書記長一員月支薪水銀二十四兩 擬照設月支薪水銀十六兩 司書生六名每名月支薪
水銀十二兩 擬照設每名月支薪水銀六兩 號目一名月支餉銀六兩 擬暫緩設 號兵八名每
名月支餉銀四兩五錢 擬照設每名月支餉銀四兩二錢 護目一名月支餉銀六兩 擬暫緩設
護兵十八名每名月支餉銀四兩五錢 擬照設每名月支餉銀四兩二錢 擬設三名
擬暫緩設 槍匠四名每名月支餉銀六兩六錢 擬設三名
每名月支餉銀四兩五錢 擬暫緩設 醫兵四名每名月支餉銀四兩二錢 擬設三名
兩九錢 備補兵三十六名每名月支餉銀三兩三錢 擬照設每名月支餉銀三兩三錢 擬設三十
八名每名月支餉銀三兩三錢 擬照設每名月支餉銀三兩三錢 擬車兵四名每名月支餉銀四兩

五錢 擬歸併車夫項內 喂養夫四名每名月支餉銀三兩三錢
三兩三錢 隨營車四輛 查南方不用騾車擬改設人力扛車四輛
四兩八錢 掌鐵韁繩銀二錢四分 擬不設 以上每營擬設員弁
公餉銀二千七十六兩三錢奉 硃批覽欽此

豫撫陳奏續裁綠營官弁兵丁騰餉濟用情形摺

奏為續裁豫省綠營官弁兵丁騰出餉乾以濟急需謹將擬辦情形繕具清單恭摺仰祈 聖鑒事竊

查豫省綠營制兵經前任撫臣奏明挑作練軍下餘馬步兵節年裁汰無非化散為整變弱為強騰出餉需以濟要用臣於光緒二十九年冬間謹遵疊次 諭旨裁兵節餉將通省綠營弁兵裁汰一成欽奉

諭旨遵辦在案近值鐵路交通事機日多一日地方遼闊既須自防練軍分司巡緝尤須有常備軍專聽征調悉索供億挹注綦難體察現在制兵分塘坐汛勢仍散漫多未得力現擬按照通省制兵實存

名數及武職員缺留營偵探馬匹一律酌量核裁節出廉俸餉乾以濟急需當經咨行各鎮營並與營務處司道悉心商榷合旗鎮標練軍馬守兵實存總數通按三分之一續行核裁計裁守兵二千八百三十

二名武職自部司以下酌量裁汰計裁官弁三十九員名凡裁缺各官都守則援照部中奏定裁缺衛弁新章歸入裁缺即用班儘數請補俾得及時自効干總以下仍歸本標見缺還缺挨次叙補其未裁各弁

北洋官報

第六百五十五册

兵或飭防原汛或改設墩鋪期與上次奏案相符惟留營馬匹原為偵探而設各營練軍步隊之外本有馬隊此次擬照防營章程加添練餉應即將偵探馬匹悉數裁去每年統共節省銀約三萬六千餘兩除留備練軍加餉銀八千餘兩不計外下餘銀二萬七千餘兩即撥歸常備軍以為添練馬隊一營之用此外尚有裁減馬匹變價一款以之抵給裁額恩餉不敷者設法自湊並飭司會同營務處司道酌核辦理如蒙 俞允俟奉 旨後均自四月初一日起即將應裁應加應撥各項咨行鎮營一體遵行一應

餉項由司分別核扣撥發以清界限未盡事宜容臣隨時察核另案陳明所有續裁綠營官弁兵丁暨籌辦情形謹繕具清單恭呈 御覽餘分咨外理合恭摺具 奏伏乞

皇太后 皇上聖鑒訓示遵行謹 奏奉 硃批著照所請該部知道欽此

謹將豫省續裁綠營官弁兵丁偵探馬匹每年節省廉俸餉乾各數自統具清單開列於左

計開 撫標左右共三營 都司無 守備二員擬裁 千總五員擬裁 員外郎一員擬裁 一百二十三員

一錢九分一釐 把總十二員應裁二員節省銀一百九十一兩三錢七分三釐 額外委用員外郎一員擬裁三員每員內分俸銀十一兩八錢四分四釐馬兵餉乾二十五兩二錢二分一釐共節省銀一千二百二十五兩零三分六釐 馬守兵總額一萬一千一百一十員

一兩一錢九分五釐 偵探馬三十四匹全裁節省銀二百二十五兩零三分六釐 馬守兵總額一萬一千一百一十員

共一千二百九十六名按三分之一應裁守兵四百三十二名每名餉米銀十兩零九錢三分三釐共節省銀四千五百九十三兩四錢五分六釐 南鎮屬共十二營 都司四員應裁信陽營在營都司一員節省銀二百九十四兩一錢二分二釐 守備八員應裁左營中軍守備一員節省銀一百二十一兩二錢八分九釐二毫 千總十三員應裁二員節省銀三百六十九兩五錢七分三釐 把總二十一員應裁四員節省銀三百八十二兩七錢四分六釐 經制二十九員應裁八員每員內分俸銀十一兩二錢四分四釐馬兵餉乾二十五兩二錢二分一釐節省銀二百二十二兩三錢九分 領探馬一百二十員全裁節省銀九百兩零一錢四分四釐 馬守兵連抽練在內共二千八百八十六名按三分之一應裁守兵九百六十二名每名餉米銀十兩零六錢三分三釐共節省銀一萬零二百二十八兩九錢四分六釐 北鎮屬共十一營 都司四員擬緩裁 守備七員應裁衛輝營守備一員節省銀一百二十一兩二錢八分九釐二毫 千總十一員應裁 員共節省銀二百四十六兩三錢八分二釐 把總十八員應裁四員共節省銀三百八十二兩七錢四分六釐 經制十八員應裁三員每員內分俸銀十一兩八錢四分四釐馬兵餉乾二十五兩二錢二分一釐共節省銀一百一十一兩一錢九分五釐 偵探馬一百一十四全裁節省銀八百二十五兩一錢三分二釐 馬守兵連抽練在內共二千三百六十三名按三分之一應裁守兵七百八十八名每名餉米銀十兩零六錢三分三釐共節省銀八千三百七十八兩八錢零四釐 東鎮屬五營 都司二員擬緩裁 守備五員應裁永威營左軍一員節省銀二百二十一兩二錢八分九釐二毫 千總八員應裁一員節省銀一百二十三兩一錢九分一釐 把總十五員應裁三員節省銀二百八十七兩零五分九釐五毫 經制十五員應裁三員每名內分俸銀十一兩八錢四分四釐馬兵餉乾二十五兩二錢二分一釐節省銀一百一十一兩一錢九分五釐 偵探馬五十四全裁節省銀三百七十五兩零六分 馬守兵連抽練在內共一千九百五十名按三分之一應裁守兵六百五十名每名餉米銀十兩零六錢三分三釐共節省銀六千九百一十一兩四錢五分 統共裁官三十九員名共節省銀三千六百二十兩零二錢二分七釐六毫 統共裁偵探馬三百一十四共節省銀二千三百二十五兩三錢七分二釐 統共裁守兵二千八百三十二名共節省銀三萬零二百二十二兩六錢五分六釐 以上統共節省銀三萬六千零五十八兩二錢五分五釐六毫奉 硃批覽欽此

滇督丁奏裁撤滇省撫標官兵及署中員役應支廉俸薪工等銀仍請留供邊餉摺

奏為裁撤滇省撫標官兵及署中員役應支廉俸薪工等銀仍請留供邊餉恭摺仰祈 聖鑒事竊查

雲南巡撫一缺遵 旨裁撤所有撫標左右兩營參將遊擊守備暨署中巡捕書吏各役均當一併裁

汰應支廉俸役食等款並即停發當經行據藩司鹽道善後局查明詳覆除釐金項下年支津貼銀二千

四百兩已於二十七年全數節省提歸公款外計司鹽兩庫每年除扣減平外共支七成養廉銀六千五

百八十兩司庫應支俸工操賞兵馬錢糧紙張飯食巡捕養廉火藥價值左右兩營官兵俸餉馬乾等銀

七千一百五十四兩零鹽庫應支書吏工食鹽菜紙張報銷等銀一千四百八十三兩零善後局年支親

兵水軍薪餉等銀七千五百三十八兩零蒙自等關津貼書吏銀三百六十兩每年共應支銀二萬三千

一百十六兩有奇查巡撫管理地方所有文職官員升調補署及刑名錢穀一切要政悉歸主持其缺雖

裁應辦之事奉 命歸臣兼管自仍如舊向有開支亟應酌量裁留以資辦公而歸實際當即督同該

司道等一再籌商所有司庫除扣減平年支八成薪紅紙張銀一千八十九兩零齋奏盤費一百六十九

北洋官報

第六百五十九册

兩零皮包紙張一百三十九兩零鹽庫年支鹽務報銷飯食等銀一百六十兩仍應酌留辦公外其廉俸

操賞役食馬乾以及鹽菜津貼各項雜款銀二萬一千五百五十八兩零應即一律截止俾省度支惟滇

省素稱邊瘠自湘鄂等省協餉停解時虞不繼凡支發一切莫非挪新掩舊剝肉補瘡近更勇餉日增籌

解賠款及練兵派款四十餘萬益形竭蹶現復遵照練兵處新章添練陸軍無米為炊支絀愈甚所有前

項裁缺節省銀二萬一千五百五十八兩零仍請儘數留於本省備供勇餉等項以資軍用

司陳燦會同各局道議覆前來臣查核屬實當即分檄飭遵均截至上年年終止其裁撤兩營官兵應

中員役人等一併裁撤其前項裁節各款銀兩合無仰懇 天恩俯准留於本省備供勇餉等項以資軍

出自 逾格鴻慈所有裁撤滇省撫標官兵及署中員役應支廉俸薪工等銀仍請留供邊餉摺

咨部查照外謹照繕清單恭摺具陳伏乞 皇太后 皇上聖鑒訓示謹 奏奉 硃批戶部知道單併發欽此

署東撫楊奏武衛右軍先鋒隊分別改練片

再武衛右軍先鋒隊二十營前經練兵處奏准抽調六七成編爲陸軍第五鎮所派統制官天津鎮總兵吳長純業經到東臣卽撥出十二營歸併編練所有原請頒用之欽命總統武衛右軍先鋒隊木質關防一顆名實不符應卽繳銷其先鋒隊撥存之馬步八營查此軍係升任撫臣袁世凱訓練而成其操法軍律雖不能遽及陸軍要亦節制之師在東省足資鎮攝擬卽改爲山東撫標先鋒隊左右翼防軍其營制餉章均仍照舊辦理與撫標及各鎮海防等營同係臣應轄之軍不必另請關防以一事權除將總統先鋒隊關防一顆咨繳兵部註銷外理合附片陳明伏乞 聖鑒訓示謹 奏奉 硃批該部知道欽此

署江督周批江南將備學堂教習阪田等請增設測繪課稟

據稟已悉查測繪一事本爲行軍要著現在將備學堂教習阪田等求選學生專習測繪應由督辦公所會同該學堂詳議章程估計經費詳復核奪惟南洋沿江沿海各口現無精細完本地圖自應從速辦理

北洋官報

三

第七百五十七册

應先派精於測繪學生數人由參謀處測繪官員帶同分赴大江近海南北兩岸由近而遠至本省轄境止逐一測量繪成圖說其長江兩岸砲台各處亦即測繪並由該公所向藩司查取志書輿圖長江圖及水師學堂海圖並將現行石印各圖分購數種發交該測繪員生攜帶考核印證得失至所派各員生已有薪水者應酌給川資火食若干向無薪水者應給薪資若干至所測地段應由何處起至何處止經過若干州縣約計何時可以竣事均由該公所確切估計詳候核奪如因現正天熱不能施工應俟秋後再行開辦屆時即將派定學生名數先行呈報以便行知該地方文武派役引導照料此繳

兩江督練公所彙送操典操單詳請江督核示文
爲彙送操典操單詳請示違事竊職道前呈辦事章程及分科條目奉憲台批開欲求軍制之整齊必先
有同一之教育欲求教育之同一必先有畫一之操典現在練兵處操典既未頒行應姑就東西各國探
北洋官報

第六百三十一册

取編譯成書頒行各軍俾資遵守等因仰見憲台整軍經武變通咸宜之至意職道等曷勝欽佩查新章
訓練制略內開應習操法宜分門教授由淺入深均以實用易學爲主不可徒飾外觀枉勞兵力各將弁
有指揮之責戰之勝負兵之存亡胥依賴之故必按期聚集討論才略演習戰法等語自應遵照辦理從
前日本維新之初延法國武員教習操法隨後改效德操後又精益求精從德操變而通之上下一心考
求戰略遂乃自成一學以稱強地球之上中國先習英操後改德操正與維新之初相似近年各
省復多改習日操者蓋以中日同洲人民性質相近取法更易若從此精研之取德日之長而加以變通
自成一學似亦強兵最要之目的職道紹楨曩在福建總辦武備學堂嘗與各教習編譯步兵操典
以教學生屢經刪訂而成視上海南洋公學所譯之本似較精審此次復與職道恩絃督同參謀教練各
官商酌即取福建原書爲藍本重加考究略爲增訂勒成初編凡六章二百餘條自個人以至排隊標協
皆有程式擬即頒發各軍先行教練俟奉練兵處頒行操典查有不盡相合之處再爲改正大約軍事必
能簡約乃可期其有功故訓練程式尤不取繁重職道等於德日操法原無歧視惟取其簡省直捷足以
應用者從而效法之而已惟是操典雖具仍不過示以基本全在統帶營隊各官習之有常教之有道事
事以精神貫注之乃可使戰爭時得其實用正不徒恃形式之觀至於新兵入隊教育若不完全異時服
役即不能再行矯正故初基尤不容不慎職道等復商訂操單二紙一爲一標之操單一爲一營之操單
擬令督操各官將操時操地操法及出操缺操之官弁兵丁姓名數目分別填註等項全統編教各
員講評其得失備書於單在省者十日一送公所省外者一月一送公所所以憑考核如此則各營之
營哨官弁之能否統帶教習之優絀以及有無缺額曠誤皆不難知職道等仍不時檢閱各營各營以
期確實施行剔除流弊俟奉批准即當刊刷通行試練此外尙有馬砲工輜各項操典均應彙送
切教科書容另隨時編譯詳辦所有職道等擬呈操典操單各緣由是否有當理合詳請核示謹

堂林立從未聞有風潮之說此無他學之大綱已立而人人以忠君愛國爲鐵血宗旨其合羣鼓鑄惟懼修名之不立尙何風潮之足慮耶綜覽古今育才之關鍵與中外名儒之議論值茲興學伊始欲陶鑄一代之英豪剪鋤百年之流弊非申明敬師長崇聖賢愛君親之大綱大法使其理揭日月而行與天地並立終無以戢放蕩不羈之才奪桀傲不馴之氣以折節於師儒淑身於道德循循然相安於無事之中也我朝漢學家惟顧亭林稱最而其言曰一爲文人便無足觀言乎講西學者不求其本而齊其末其弊與漢學等終歸於無用而已終歸於無足觀而已伏維 宮保扶植人才力撐危局畿輔之士翕然嚮風規世變者僉以爲鎔歐鑄亞之一大轉機也顧弊每生於法立患則責於預防風潮不靖士習日壞學網既定趨向自端品行既列爲專科綱常尤關乎首要擬請將敬師長崇聖賢愛君親三大綱列爲教育第一科順者錄取逆者斥逐教員與學董均以此三綱爲考察學生之具則名分不嚴而自尊諸生亦以此三綱爲各項學科之嫡體則風潮不戢而自熄綱舉目張人存政舉凡肄業諸生無非忠臣孝子之性靈則出而與人家國自有經天緯地之韜略學校之所以正本清源者在此國家之所以傾否亨屯者在此通都大邑以及窮鄉僻壤所以昌明正學一道同風者亦在此天經地義亘古不磨如水之有源萬派而不離宗如木之有根千殊仍歸一本則學網之與學堂相關係洵非淺鮮也卑職材本騫庸仰蒙 宮保恩植繁劇忝膺疊奉 鈞諭力圖維新所有辦理學務情形先後稟明 憲鑒惟法弊相生防閑宜早偷知而不言或言之不盡深恐有負 憲恩且恐學堂積弊日深一日更有負於 朝廷育才之意所有卑職擬請申明學網以端趨向而息風潮緣由是否有當理合稟請 宮保查核施行

督憲袁 批稟悉學堂宗旨已詳於綱要一編日本寺田勇吉氏因其國學校滋事著學校改良論六篇經京師大學堂譯出中言防微杜漸之法可爲龜鑑有管理教授之責者不可不知也應如何參酌頒示仰學務處核明辦法通飭遵行繳

體育大會○天津大學堂定於本月二十四日下午一鐘至五鐘在本堂兵操場開體育會已由董理人約訂軍醫學堂北洋醫學堂工藝學堂天津府中學堂敬業中學堂普通學堂新學書院電報學堂屆期會集比較茲將豫定演習各技照錄如左 一高躍 二競走一百碼 三聯足競走一百碼 四

北洋官報

三

第六百三十九期

跳遠 五捷算競走 六賽行半英里 七植竿超距 八擲木球 九關走二百二十碼 十擲砲
彈十三磅 十一聯跳橫木之鬪捷 十二競走賽果三十碼 十三四人接力之競走四百碼 十
四拉繩較力



